



05872

藏書記事詩卷六

吳山陶生鬻書者日共圍棋一局殘塵垢堆牀寓書耳當時

書貴比珠玕許宗彥周生

阮文達浙儒許積卿傳君名宗彥字積卿又字周生浙江
德清人父祖京廣東布政使君九歲能讀經史善屬文嘉
慶己未成進士授兵部車駕司主事君常訓諸子曰讀書
人第一須使此心光明正大澄清如止水故名所居曰鑑
止水齋君以嘉慶二十三年十二月二十二日卒於杭州
年五十有一子六兆奎延宋延澤延敬延凱延毅 蔡之
定許君周生家傳君寡嗜好惟喜購異書不惜重價藏弄
滿樓於書無所不讀實事求是旁及道經釋典名物象數

藏書六

必殫其奧而後已 嚴元照書手錄太常因革禮後 四

庫全書未收予內兄許兵部宗彥曾從杭州故家借抄副
本歲戊辰備書於杭始獲見之 持靜齋書目鑑止水齋

書目一冊許宗彥撰長洲顧沅從羅鏡泉假錄余與其喆
嗣子雙明府有舊聞其書兵燹後散亡殆盡不勝悵然

宗彥夏日雜詩吳山有陶生託業在書籍攜包買無人時
復就我奕 又題陳蓮汀載書訪友圖邇來懶病百不堪

書箒堆牀付塵垢 又題吳更生引年借書圖近來書貴
比珠玕善本矜奇借亦難不傍靈威仙洞住祇應寫竹畫

圖看

薰修白氎寫華嚴畫扇秋江月子纖認取連環雙玉印綢繆

紅上舊題籤

嚴元照久能

錢大昕嚴半庵墓志銘歸安嚴君諱樹蓴字茂先一字半庵生一子卽元照歸安縣學生孫男二人培均而暴書雜記嚴久能茗溪芳椒堂聚書數萬卷多宋元槧本著娛親雅言爾雅匡名久能悔庵集書手錄儀禮要義宋本後此書載於聚樂堂書目朱錫鬯所未見者予財弱冠好宋刻書杭州汪氏藏宋刻本廿冊索值五百金子必欲得之求之急議直廿六萬錢議既定顧無從得如干錢乃盡買家所有書得錢畀之而予書癖之名遂播于一時年來資用日絀度此書不能長爲吾有又寫此本校而藏之它日不得見中郎猶庶幾見虎賁也 東湖叢記歸安嚴修能

藏書六

二

購得宋張洽春秋集傳吾邑錢廣伯爲之作緣與朱朗齋明經往來書札皆議價值之多寡朱朗齋覆廣伯云敝居停汪九先生宋板春秋一書當時置本實係七折錢六十兩前需二百金不爲過多此書雖缺究屬久佚之遺經較尋常宋元板書差爲珍重今讀嚴先生來諭諄諄意殊可感若必執意昂價是屬市道非所以待有道也但照七折錢六十兩之數斷不可少勢不能九先生虧本以曲從耳文藻頓首又復廣伯云書籍流傳除兔園冊子外皆無益于舉業者必謂有益於舉業而後當出價購求而後當寶愛此語而出自嚴先生之口立言爲失體矣要而言之此書在汪九先生從二百金之價讓至六十金已屬減無可

減在嚴先生從十六千之價加至卅五千亦屬增無可增
今爲折中之論勸嚴先生再出三千五百文足成五十五
兩之數是否有當伏乞裁定 又云余所見明焦弱侯家
精抄洞天清祿集有修能跋云塘棲宋茗香助教所得舊
策隸書五字類文待詔古香可愛以香修小印鈐之昌熾
案香修先生姬張秋月字也陳文述碧城仙館詩有香修
詞爲嚴蕙楊作香修姓張氏初名秋月幼媵於無錫嵇相
國家蕙楊娶於嵇乃謀諸中閨而泮合焉且援十六觀經
戒香薰修之語字之曰香修華司馬秋槎屠孝廉琴塢爲
寫秋江載月團扇貽之蕙楊因以畫扇名齋詩凡八首其
第三首云三五冰輪是小名秋同消瘦月同明一聲水調

藏書六

三

歌桃葉自向江頭打漿迎第五首云手寫華嚴懺性靈玉
臺香近畫紗櫺連環小印綢繆字紅上蓮花白麝經第八
首云百萬工錢紫玉釵定情詩卷續風懷昨從碧浪湖邊
過本事新添畫扇齋 平津館鑿藏書籍記宋版類編朱
氏集驗醫方有張氏秋月字香修一字幼憐朱文方印石
溪嚴氏芳椒堂藏書白文印

談古相逢燕市中名場溝水各西東長安珠桂還如昔典盡
殘書莫送窮 黃錫蕃椒升 韓配基

士禮居題跋記海鹽黃椒升余二十年前友也頗藏書兼
精篆刻嘗往來吳門從潛學老人游每至必攜古書相質
余時或得之後爲小官於閩中 又輿地廣記宋本第十

八卷改曰建雄軍以上全缺竹垞藏本歸乍浦韓配基壬戌春余計偕北行配基亦以辛酉選拔朝考入都把晤京邸許以十八卷前寫寄後余被黜南還配基亦未得高等彼此音問不通至今不能補全可慨也 又云韓應京兆試中丁卯科舉人在京邸求售余託五柳主人爲余出百二十金購之 又云賈人從乍浦韓氏得書數百種盛稱中多舊本有施諤臨安志歸簡莊同人賦詩紀事簡莊詩云輸錢吳市得書誇道是西施入館娃宋室江山存梗概鄉邦風物見繁華關心志乘亡全帙屈指收藏又一家沈有會稽嘉泰本賞奇差足慰生涯 持靜齋書目文房四譜五卷黃椒升藏本有醉經樓印

藏書六

四

瘦骨凌霜破拘闔小松何似老松強吳涇延令同根否綠柳橋西戴大章 戴光曾松門 戴大章堯聲

士禮居藏書題跋記笛漁小稿嘉禾戴五松門余舊交也今春閏月二日有事至禾中夜訪松門于吳涇橋徧閱所藏之書作詩贈之有句云從好招朋共傷心失子才益松門與余同好而境遇亦枵等也 錢泰吉可讀書齋詩戴

小松茂才培成爲松門明經光曾哲嗣馬古芸蔣花隱嘗寫懷松圖以貽之道光壬寅冬日小松奉圖見示感賦偉哉松門翁我少常接對瘦骨凌雪霜高論破拘闔不怨匠石遺絕洗庸俗態送老撫庭柯慘澹冀千載何人抱遺編有子懷惇誨遂倩碧蘿生潑墨寫蒼髯蔣君亦成圖著紙

露碾礪小松能仰承肅若瞻泰岱老松廕庇之風雨聞警
咳楹書隔錄宋本說文解字有延令戴大章字□□一
字南軒大章堯聲綠柳橋西戴大章各印

自采梅花煑香粥旋煨楮養芋魁洞天清祿君銷受況有
雲煙供養來宋大樽左彝

兩浙輜軒錄補遺宋大樽字左彝一字茗香仁和人乾隆
丁酉舉人官國子助教著有學古集向王宗炎爾雅新義
序宋山陰陸氏爾雅新義爲世所罕觀吾邑陸君芝榮陳
君培得仁和宋助教大樽手校本審定鏤版嚴元照書
手錄雲煙過眼錄後自武林歸經塘棲里訪宋茗香觀所
藏書中有丁龍泓先生手抄雲煙過眼錄一冊東湖叢

藏書六

五

記焦弱侯家精鈔洞天清祿集宋茗香助教所得舊簽隸
書五字類文待詔古香可愛馬廷柵贈宋茗香助教詩
辛苦風塵兩載餘攤書盡日對窗虛棠梨晷影分明在遙
憶先生國子廬陸素生贈宋茗香詩我言君豈是梅梢
雙眉瘦過梅根節清辭妙緒出無窮何似霏霏落香雪又
言君返超山麓自采梅花煑香粥我家芋魁養徑尺煨火
旋煨腴勝肉小隔百里便往來如共山牕聽風竹

廉吏可爲未可爲槃纓請室等湘壘鼓琴誰折芳馨寄三復

于湖次仲詩

張祥雲鞠園

蘇西漢大章各印

士禮居藏書題跋記輿地廣記余借抱冲殘宋本二十一
卷校勘於聚珍板上今已歸廬江張太守矣太守名祥雲

號鞠園以養親乞歸聞晉江人也丁卯過吳曾見之今聞以事下獄瘐死矣壬申記 凌廷堪題張鞠園太守揚子飽帆圖飽帆曾記過中冷今日于湖見使星大抵偉人多奸士由來循吏必通經相逢雖晚頭猶黑禮數都忘眼倍青笑我攜琴歸自鼓還從流水寄芳馨自注時權蕪湖道昌熾案太守藏書甚富今多歸同里蔣氏心矩齋

冲虛先傳處度注因可亦草潛夫箋精亡脈極遠長往興言宿草空泫然

王宗炎數勝 繼培因可

王紹爾南陔

陳春東爲

注

沈豫補今言蕭邑藏書之富穀勝王經師家築十萬卷樓陸氏寓賞樓陳氏湖海樓此外如王中丞南陔汪吏部蘇潭俱大族皆充棟盈車不假南面百城至讎校精工分晰

藏書六

六

真僞王汪諸君皆精於鄭孔小學非炫飾斯文徒誇排比者可擬也 陳春湖海樓叢書序春資識禱昧粗習章句邨居僻左鈔所聞見蓄疑未達則求教邑中有道之士得以讀其所藏之書於汪吏部蘇潭尤契洽也吏部家富圖籍而搜訪不倦每得善本舉以相示家君高年耽寂自號冲虛七十生朝吏部持手校列子張注爲壽春梓印以呈家君蹶然色喜進一觴焉春由是益思流布秘籍以爲親娛謀之吏部先擇攷證經史有裨實用者次第寫版吏部方箋釋鹽鐵潛夫二論鉤稽乙注眇極蘭絲復爲春校定所刊書一字之誤緡檢累夕精亡脈極遠爾殂謝春連邁閔凶迷罔廢業追維承顏介壽之樂良朋賞析之難歲月

幾何已殊今昔興言及此況也永歎 王紹蘭潛夫論箋
序潛夫論久無善本求是去非蓋其難也吾友汪主事因
可績學超奇通心而敏會萃羣刻網羅佚聞草創於嘉慶
己巳庚午間時紹蘭讀禮家居辛未服闋握手河梁鄭重
而別忽忽者七八年紹蘭奉職無狀罷官歸而因可墓有
宿草鍵戶省愆故人長往庭蒿門雀不復聞空谷足音矣
一日陳子東爲告以因可書已代謀劄劄受而讀之竊悲
因可豐於學奮於年又喜其能以書自延其年東爲能行
其書以延其年斯可貴也

五色雲中有紫霓三間新築草堂樓建初地菊何時出咫尺

高樓在會稽

陸芝榮香圃

杜煦尺齋

煦弟春生禾子

藏書六

七

鐵橋漫稿書爾雅新義後乾隆十五年吾鄉丁小山得影

宋本于京師孫詒穀攜歸武林嘉慶十三年陸香圃刻於

蕭山 沈豫補今言蕭邑藏書陸氏寓賞樓抄影善本之

富爲第一蓋不惜工費四方書賈雲集輻輳故插架初印

元明板本俱多 暴書雜記乾道臨安志清祐臨安志海

昌蔣生光賡符陸香圃三間草堂鈔本取以校勘陸香圃

未知其人跋云錄自王庶常小穀家則浙東西尙有善本

可互校也昌熾案香圃所刻爾雅新義前有孫志祖詒穀

跋又自跋云家農師爾雅新義世鮮傳本往得之吳山書

肆謄寫論脫幾不可讀今春假仁和宋助教大樽校本是

正文字鏤板以廣其傳聞鮑廷博嘗見影宋寫本後有太

原閻徵君跋語他日庶幾見之得以覆加校定抑有厚幸焉嘉慶戊辰八月旣望蕭山陸芝榮識又坵農師詩二首其次首末二句云他時若綴三經後五色雲中有紫霓
百宋樓藏書志陸宣公集有三間草堂香圃所藏忠宣第
三十七世孫諸印 丁氏持靜齋書目范忠宣集有朗清
汲古所及三間草堂二印 昌熾又案香圃佚事余詢諸
同年王子獻太史陶星篔孝廉皆越中聞人不能詳也子
獻言其鄉藏書家有杜煦尺齋杜春生禾子昆弟漢建初
六年大吉買山記其所搜得卽名其藏書之所曰大吉樓
著有越中金石記搜羅甚富有刊本

鄭默中經所著錄不謂私家竟庶幾勝以藕心空首幣橢輪

藏書六

活碧長苔衣 倪模迂村

北江詩話倪進士模居望江之大雷岸余游匡山回阻風
華陽鎮因徒步二十里訪之其讀書草堂距家三里正而
建德諸山屋旁卽雷港也余以二水山房顏之草堂後小
閣七閒積書至五萬卷金石千餘卷平生嗜古錢撰泉譜
四卷極爲精審 趙紹祖古墨齋筆記嘉慶甲子望江倪
進士迂村名模以所拓古泉二冊索跋則上自高陽太昊
以至前明旁及外國厭勝無不畢具迂村家藏書千餘萬
卷自言在 四庫簡明目錄者十得其八在存目者亦得
其半實吾安徽藏書之冠也昌熾案進士題名牌倪模嘉
慶己未科進士 江上雲林閣書目自序嘉慶二年余曾

有經鋤堂各架藏書序五年構江上雲林閣度書十二廚
中憶弱冠時江鄉僻壤聞見無多年三十一入都每見宋
元善本不惜重價購之教習官學時與孫洪諸人交得秘
本必假儻校琉璃廠載籍甫到輒購之贏六萬餘卷泊任
鳳陽教授十二年稍有所獲屬子孫輩繕一清目以不負
數十年購求鑽研之意云時道光乙酉秋九月上浣江上
雲林閣主人迂存倪模序

莊叟寓言駢拇指柴窰一片古養缸莫輕重本兼殘本巧合
延津劍一雙

張紹仁學安

鐵琴銅劍樓書目東坡全集有吳郡張紹仁學安藏書朱
記 百宋樓藏書志齊民要術十卷有跋署道光新元三

藏書六

九

月十九日書於仁壽里之讀異齋詎庵張紹仁 又道德
真經指歸七卷張紹仁校本跋曰此本朱墨紛然不易猝
讀今夏酷暑不出戶庭奮勉鈔成益信凡事皆當僣俛甲
申閏七月巽翁識 士禮居題跋記賀方回集半部陳仲
魚所贈頃張君詎庵邀余觀新收之書內有慶湖遺老詩
集之半余細閱之與仲魚所贈竟爲延津之合兼畜重出
本及不全本此余一己之獨見詎庵效尤卽獲奇驗鼓興
弗衰藏書家不又得一人邪 又西溪叢語張詎庵本詎
庵校書心到眼到手到在朋友中無出其右 昌熾案紹
仁長洲人曾居喬司空卷其藏書處曰綠筠廬曰執經堂
詳見士禮居題跋記

三世同耕不稅田後賢功可及先賢誰爲有福誰無福此語

可爲知者傳

張海鵬若雲
恩多服似

姪金吾月霄

大鑑友柏

邵

黃廷鑑朝議大夫張君行狀曾祖士恆祖朝續父仁濟君
諱海鵬字若雲號子瑜年二十一補博士弟子員絕意名
場篤志墳素先是君考訥齋公與伯兄靜谷公皆好藏書
家多宋元舊刻君治經之暇以剞劂古書爲己任刊學津
討原墨海金壺借月山房彙抄又輯金帚編工始而君捐
館矣居恆嘗語人曰藏書不如讀書讀書不如刻書讀書
祇以爲己刻書可以澤人上以壽作者之精神下以惠後
來之沾溉其道不更廣耶 又張月霄傳月霄名金吾字
慎旃月霄其別字也祖仁濟父光基皆邑諸生月霄年廿

藏書六

十

二補博士弟子員卽棄去篤志儲藏與同里陳子準善

又愛日精廬藏書志序月霄十年來小大彙收今古並蓄
合之先人舊藏已有八萬餘卷又念金源氏有中國百十
餘年著作之家乘時蔚起未有哀集其文者遂矢志網羅
以補一朝之闕故于金元兩代遺集更加意搜訪中如王
朋壽之類林孔元措之祖庭廣記蔡松年之明秀集注與
吳宏道之中州啟劄皆當世絕無僅有之書也 李兆洛

詒經堂續經解序通志堂經解之刻百餘年矣金吾張君
以遺編墮簡尙不盡於此乃發其家所藏寫定爲詒經堂
續經解都千二百有餘卷將以次授之剞劂 阮文達虞

山張氏詒經堂記張氏金吾世傳家學代有藏書不但多

藏至八萬餘卷且撰書至二百餘卷刻書至千數百卷古人實賴此與後人接見也後人亦賴此及見古人也是詒經堂詩史閣求舊書莊諸地皆羅列古今人使後人共見之地也此於古人謂之有功於已謂之有福世之有金者無所不爲獨不肯用之於書是謂無福若在已無學術則雖有之肯之亦無能用之若是者亦謂之無福 張大鑑
閒居錄跋先王父靜谷公藏書數萬卷手自校讎寒暑無倦而先大夫京華二十載優游蘭省亦惟以載籍自娛彭芸楣先生贈詩云瑯環宛委窮皇媪蓋誌實也余承先澤耕不稅之田一編一帙罔敢失墜右閒居錄映雪老人手抄照曠從父梓入叢書先人手澤庶幾與是刻常新也癸

藏書六

十一

亥六月友柏張大鑑識昌熾案靜谷爲仁濟之兄是大鑑於海鵬爲從子於金吾則昆季行也据此跋是張氏藏書遠有端緒不自若雲始矣 張海鵬唐撫言跋撫言十五卷所見抄本後有嘉定辛未鄭昉題識者最爲近古所稱曰頭本是也按弟十卷蔣凝條云曰頭花鈿滿面不及徐妃半妝後人罔知改作白頭于義甚乖雅雨堂本亦仍其失予從邵服仙處假得舊本是正益歎校訂之難也 昌熾案曹根生同年云今雅雨堂本正作曰頭當據此本訂正 又南部新書跋宋槧久無善本是編乃邵君服仙從士禮居傳抄者也黃氏藏書富甲吳郡邵君博學嗜古所抄多絕無僅有之書 平津館鑒藏書籍記南華真經有

小安樂窩邵恩多印二朱記 昌熾案即仙昭文人余在
菰里瞿氏曾傳錄其山海經校本與張月霄陳子準同時
張隙固爲兩大腹仙抱殘守缺亦不愧小藏家也

金源掌錄混同江烏戍精藍駐客艤豹脚噬人蟬亂走夜深
燒燭坐虛廳 黃廷鑑琴六

虞山人文小傳黃廷鑑字琴六諸生 常昭新志廷鑑少
游趙同翮王庭筠之門精攷證研摩羣籍手校者百數十
種光練於邑中掌故撰琴川三志補記續記以補鮑盧張
三志之缺 季錫疇第六絃溪文鈔序黃先生琴六館照
曠閣愛日精廬兩家多藏書校讎錯脫實事求是 第六
絃溪文鈔齊民要術跋余三十年來所校古籍不下五六

藏書六

三

十種惟文房四譜廣川畫跋皆從訛謬中力開真面今得
此書而三矣衰年多病炳燭餘光矻矻于陳編爛簡中作
一老蠹魚自笑又自慰也道光乙酉拙經逸叟 又讀知
不足齋賜書圖記烏鎮知不足齋圖書集成賜書在焉月
霄張子輯金源文以未讀鮑氏賜書爲恨遂于己卯閏月
買舟招余同往居停於鎮之南宮道院日自齋中載五六
百冊分編披讀時當初暑揮汗如雨日暮蚊蟲四集燒燭
繼晷日爲之昏不恤也

驚及借人雖不孝于金微帚抑何慳可師惟有長塘叟自處
平生通介問 陳揆子準

孫原湘天真閣集陳揆字子準諸生購古籍手自校勘凡

邑人著述及他文集之有關常邑者自唐及今搜羅殆徧
皮諸破山寺之抹虎閣輯琴川志注續志世無傳別撰十
卷又輯虞邑遺文錄十卷補集五卷嘗以酈氏水經注詳
北略南著六朝水道疏鈎稽精密唐劉虞稽瑞一卷向來
藏書家未經著錄揆得之因以名其樓 黃廷鑑藏書二
友記吾邑陳子準張月霄二人家世儒學舊有藏書至兩
君而更擴大之儲藏之名遂並甲於吳中四方之名士書
林之賈客挾祕冊訪異書望兩家之門而投止者絡繹於
虞山之麓尙湖之濱嘻盛矣張居西關陳居稍南相去不
半里皆面城臨水暇輒過從各出所獲賞奇辨疑有無通
假相善也兩君志趣同而各有所主張則鍾于經籍而兼

藏書六

三
五
二

愛宋元人集陳則專於史志而旁嗜說部其大較以網羅
散佚存亡繼絕爲宗旨其于書也張則樂與人共有叩必
應陳則一室靜研慎于乞假余嘗謂月霄古書固不容吝
第得之太易則人不知珍惜昔人以鬻書與借人並稱不
孝良有以也君宜師子準之慎而陳君亦宜少濟以君之
通迺爲得之兩家所藏不下十餘萬卷去其世有傳本與
祕而無關學問者真宋元舊刻及新舊抄遊其精妙尙可
得一二萬卷其中多吾邑錢毛兩家舊物淪落他方百餘
年而復歸故土其事殆非偶然矣 潘文勤師稽瑞樓書
目序子準無子歿後書亦盡散吾師翁文端公與子準厚
既卹其身後以重值收其藏本僅得三四散失者已不少

矣今稽瑞樓書目蔭從翁叔平假得刊之庶可與愛日精廬藏書志並傳也

同有驚人祕笈藏漢唐漢晉各分疆扶風故事如相質一住

鹽官一海昌

馬嶺二槎馬玉堂芻齋

梅氏藏書

東湖叢記吾鄉陳仲魚徵君向山閣藏書大半歸馬二槎上舍上舍余中表行也其吟香仙館書目多世所未見之本有宋本漢書晉書因以漢晉名其齋晉書爲天籟閣故物有王弼州手抄補闕之卷眞書林瓌寶也持靜齋書目桂苑筆耕錄有二槎祕笈馬氏吟香仙館收藏印又曾肇曲阜集有馬氏收藏二槎藝文宋臨安三志人家諸印昌熾案吟香吟香不同東湖是其中表當可據三志者宋

藏書六

古

周淙乾道臨安志三卷施諤淳祐臨安志六卷潛說友咸淳臨安志九十五卷皆相傳孤本也莫氏宋元本經眼

錄宋刊兩漢會要歸武原馬玉堂芻齋明經有道光壬辰識語又周易本義卷首有玉堂芻齋漢唐齋紅藥山房收

藏私印諸朱記明末樓藏書志洞霄詩集芻齋藏書有

扶風書隱生白文方印又國朝名臣事畧有漢唐齋白文

長印古鹽馬氏朱文方印暴書雜記錢夢廬云重校證

活人書余昔藏宋板今在豐山馬芻齋明經處或云在馬

二槎處昌熾案據此可見馬氏藏書同時同姓同居浙中

齋名又相髣髴當時同好已不免傳述之譌況後來乎故

此詩詳辨之

鳳子春駒郭未箋神仙蛻骨自何年遽然肯戀花天夢死作
螢乾劇可憐

童銓佛庵

杭郡詩輯童銓字佛庵仁和諸生注云佛庵家北郭貧無
餘貲雅性愛古市集門攤時時搜訪所得頗有佳本惜身
後斥賣殆盡聞其所藏前輩小像多至數十人不知今歸
何處年七十餘賦詩而逝有亡魂願化莊周蝶只戀書香
不戀花句惜佚其全什矣 郭頻伽浮眉樓詞齊天樂童
佛庵有素冊爲蠹魚所蝕其鑿空處皆肖蛻形殆天巧也
詞以寫之近來不食人間字滿腔都是春恨青簡生涯白
蟬身世幻作漆園夢影羽陵困損算不似花間栖香差穩
莫羨神仙蛻餘且就此中隱有人曝來永晝比夾雪新籤

藏書六

五

白描副本栩栩蘧蘧魚魚雅雅兩翅尙黏殘粉滕王休哂
是癡絕書生香匳吟吻展向春風半窗芸葉冷 又沁園
春二娛爲余題蠹蜨卷子比物象形裁雲縫月後有作者
未能或之先矣酒酣以往逸氣空湧開爲變調以攄鬱塞
之懷并示二娛鑰紙蠅癡伏案螢乾男兒可憐笑吾其魚
矣人言善幻蘧然蛻也或羨成仙五蠹書成一生花活游
戲其間然不然君休問看此中有鬼蟲亦能天 爲君試
質前賢更有箇吾家博物傳是蒙莊闊達未離文字謝郎
輕薄多爲詩篇磊落景純蟲魚詮釋鳳子春駒有闕焉亡
應補任叢殘科斗零落蝸涎 梁同書蠹蝶詩蠹蝕成蛻
形大小二鬚翅皆具好事者裝冊索題戲作二絕問爾適

從何處來多生結習故書堆自從食盡神仙字一夢南華
便脫胎展卷分明見栩栩世間金粉畫猶輸蟬魚恥作螢
乾死幻出滕王飛白圖昌熾案張廷濟桂馨堂集有爲
童佛庵梁題所集梅花詩又有童佛庵梁以平安錢問梨
刀消息并繫詩次韻奉答詩同時同姓字又同好古坵誌
於此

更無入上沈樓看詩夢初回水國寒輸與鴻堂磨欲盡猶留
蟬翼暈齊紈

沈慈十峯

弟恕綺雲

持靜齋書目歐陽文忠集有沈慈十峯曾在雲間嘯園沈
氏諸印王芑孫題沈君慈十峯圖山高則稱峯竦削雲
爲質九峯第平遠君才自拔出如拳蹲鶴勢無輩與之匹

藏書六

去

又題沈綺雲怨柳波消夏圖深柳一灣書半檻乍回詩
夢小剪山又料檢新收併舊刊筆山樓作沈樓看逕思徧
借藏書讀壬癸籤分甲乙觀又三宿齋雜題門人沈恕
自北郭移居城內爲留三日臨去題其新屋曰三宿齋太
息鴻堂帖今同鳥篆書墨棧磨欲盡紅目鷹非初蟬翼翻
新搨蠅頭證舊儲姑教存故物數典述鄉閭注云戲鴻堂
舊石漫漶今歸綺雲

藏書四千七百種著錄三十九萬言江左游賓從美脩脩
天半若霞軒

李筠嘉修林

松江府志李筠嘉字修林上海人候選光祿寺典簿藏書
甚富精於校勘龔自珍上海李氏藏書志序上海李氏

藏書至四千七百種論議臚注至三十九萬言承平之風
烈與鄞范氏欽汪氏杭州吳氏鮑氏相輝映於八九十年
之間李君猶且恨生晚不獲遇純皇帝朝親獻書
顧異日數 本朝目錄必不遺李氏吾生平語江左俊游
賓從之美則極不忘李氏東南顧備脩踞天半矣哉李君
名筠嘉議敘光祿屬官銜不仕道光六年丙戌六月 喬
重禧輓李筍香筠嘉詩卅載吹笙譜白華仙源幫履麗情
賒園編香雪詩人集樓倚慈雲字子家金穴頻年傾郭況
瑯嬛何地讀張華海天從此風流盡高柳斜陽噪暮鴉注
云君身後藏書盡散 暴書雜記孔氏祖庭廣記滬上李
筍香藏金刻今爲馬笏齋所得

藏書六

七

瘴風鹹雨鼓靈潮二百年中字半銷識得書城如武庫守經
終讓古輸廖皆劍勉士 吳蘭修石華

嶺南文鈔小傳會劍字勉士南海人道光乙酉拔貢生著
有面城樓文存 吳蘭修字石華嘉應州人嘉慶戊辰舉
人信宜縣訓導著有南漢紀宋史地理志補正 勉士面
城樓記劍嗜蓄書自戊辰迄今七八年得數萬卷襍置聽
事中大人詔劍曰汝畜書亦知畜眾而城守乎數仞之墉
百雉之堞槍雷椎棹之屬徧其下寇環而攻之物未盡而
城已破是物非人力弗用也大黃之弓未嘗不兩射也巡
幾之卒自若聚櫜之聲未嘗廢聞也然軍法驅之久斯困
困斯怨怨斯解是力非心弗永也且夫環十里而城角罕

惡數千百分守則力不給合之應援將弗及勢必危勢危而猶急其力不叛則亡夫讀書亦若是焉已矣畜而弗力學猶弗畜也力學而弗心得猶弗力也汝其勉治汝心釗曰唯謹識不敢忘書又古翰廖山館藏書目錄序歐陽子曰好之而無力雖近且易有不能致余每誦而悲之然亦用是自豪蓋余室四壁立獨插架數萬卷且有宋元槧及舊抄手校本紙墨奇古丹鉛淋漓清風逗簾展卷流連未嘗不私心竊喜謂幸不中廬陵之言也石華書其後云嶺南地溼易長蠹魚藏書無至二百年者吾家守經堂藏本多於勉士而舊槧不及焉勉士嘗云當無聊時閱古人書目亦自快意可想見其癖好矣

陳昌齊守經堂記守經

藏書六

六

堂者吳君石華藏書之堂也君富於書四部叢焉獨稱經何宗聖也

是亦灌園陳仲子草堂何在在西昫羌無故實旁皇索但識

名增字仲遵

陳塢仲遵

潘曾瑩墨緣小錄陳葦汀增長洲人工水墨用筆幽秀似

趙千里士禮居珩璜新論跋西昫草堂者陳子仲遵之

居也仲遵頗嗜古書又麟臺故事跋景宋舊鈔三卷歸

於西昫草堂暴書雜記家夢廬翁於愛日精廬藏書志

記所見禪月集曾見吳門陳氏葦汀藏列朝詩文集目有

白蓮集三十卷抄其副本文集五卷已失傳所存惟詩二

十五卷耳鐵琴銅劍樓書目徂徠文集卷首有平江陳

氏西昫藏書及陳壇印二朱記昌熾案說文壇舞也引詩
壇壇舞我今詩作躡其字从土正字通又有从土之壇與
樽同陳君之名當从土

豁厚爲門平作架翠屏鬼斧費雕劂石函一一如靈寶但少
龍威到隔凡

萬香士

嚴可均書葛香士林屋藏書圖後葛香士居林屋之山鑿
壁爲架以藏古書我鄉張氏鑑爲作圖且爲文以記之余
未識香士而張氏則余舊交也林屋有靈寶石函神禹所
發故其民風往往能聚書前明如葛氏一龍蔡氏羽其尤
著也香士爲一龍族孫能承先志益張大之可謂賢矣編
有書目余未之見見其圖爲神往者久之余嘗持論幸生

藏書六

九

右文之世挾數囊金購書蘇杭市不半年可致累萬卷
此有力者常事亦何足以自豪當視四庫所未著錄阮
氏所未續進幸而得之區區此願霸然大公耳今檢架上
得天聖李季所編乾象通鑑等八種皆寫本世上絕無僅
有者香士好事倘亦得古書與余所藏有鐫兩相稱者請
走使來告互相借鈔則藉林勝事也不然家有做帚亭之
千金將恐龍威笑人 張鑑包山葛氏激波皓月樓藏書
記去春病起始來西山葛君香士坐余於激波皓月樓其
樓據銷夏一灣之勝前盪洪波卻負崇巘纓嵐帶阜雲誦
波詭因鑿樓之兩壁以居書書不下數萬卷每當楸桐負
日柱筍尋波游觀旣倦難燭繼晷其書經史駢羅部帙峻

整集舊者辨其薰蕕版新者慎其魚虎自甲而丙而丁依四部例悉著於目舉凡鳳館之新章免園之祕冊不與焉道光二年六月朔日

社酒唐華憶討春舊游如夢復如塵蛛絲馬蹟緣沿得好鳥

飄風變幻頻

劉桐舜輝

兩浙輶軒錄補遺劉桐字舜輝一字疏雨烏程貢生著有楚游草楚游續草聽雨軒藁張鑑腹琴山館藏書目序疏雨雄於賞而多家累年未三十卽棄舉業遠游楚余課誦其家積十餘載之久疏雨歸則與談杭州谷林堂趙氏暨揚州玲瓏山館馬氏之耽書好客未嘗不神往焉乾隆壬子癸丑間疏雨旣以藏書自任吾湖固多賈客織里一

藏書六

三

鄉居者皆以備書爲業出則扁舟孤棹舉凡平江遠近數百里之間簡籍不脛而走蓋自元時至今幾四百載上至都門下迨海舶苟得一善本蜘蛛絲馬蹟緣沿而購取之故吳門萃古齋旣名聞當空而下此如竹垞經義攷所云坊朋賈友亦不可枚數疏雨旣好書而余又適館其家堂構閒曠每夏秋之交設長筵廣座名花異卉駢列左右主人命門者延若屬呼傳嘯侶至卽十餘輩余課經之暇亦相與商榷是非書旣山積真贗參半鑒別不易其時同人之與疏雨洽縞紵者如楊秋室范白舫計秋琴蔣嗜山間亦過從或有所得傳觀以爲賞析自此疏雨之書固已不啻數萬卷矣如是者有年適值盧氏均經堂吳氏瓶花齋讐

校精本散出四方於是疏雨所收之富又越從前數倍癸亥之秋一病遽歸道山其家不能收拾子幼爲人災感舉十餘萬卷之書一旦畀之他人秋室題其身前訪書圖云自古圖書厄多經劫火亡未聞豪賈奪舉作債家償洵實事也飄風好鳥變幻若此斯可歎矣今年余病肺倦游過白舫齋頭則所藏舊目與估估帳籍宛如昨日痛盛游之難再悼勝賞之莫償失今不治并有與此目同歸漸滅者因破十日之功與白舫秋琴嗜山訪其大略編爲一目知其中實有足以備金匱石室之講求啟陳農苗發之夢想者豈第涇王大唐郊祀一錄同於煙銷灰燼屈指其間不過二十餘載世故之難問已如此之速可勝道哉此書之

藏書六

三

失不特吾人同社眼福之薄卽謂吳興山水精英不能蘊此奇觀以供後來之抉摘奚不可也疏雨姓劉氏名桐援例授州司馬暇琴山館其所居東廂藏書之地 王翰青鄂舟過劉疏雨書齋詩幾年羈旅隔天涯心每相親跡甚賒衝凍徑來謀社酒討春先喜見唐華水精簾卷明於月雲母窗虛白勝紗裊拙定慙珠履客墨莊偏許問籤身

嚴可均題劉小夢憶書圖冊君家疏雨吾好友積書之癖與吾同別來江子亭邊樹終古山陽笛裏風人有微名都折福世間豪舉總成空祇今說着眠琴館卅六年前一夢中 楊鳳苞題訪書圖劉三桐少好聚書楚游歸後搜羅益富積至數萬卷築眠琴山館貯之猶以爲未備嘗屬杭

人奚岡繪訪書圖以見志惜不中壽淹忽卽世嗣子煥幼弱其書皆爲市人竄取以去可歎也君從子渙寶弄是卷出示索題傷逝者之不作慨遺書之悉亡頽唐老筆言之不文聊以紀實而已嘉慶十五年涂月尙賸吳生畫香廚久棄捐傷心餘簿錄過眼付雲煙厭架猶如昨充箱孰與遷藉君珍此卷想像舊瑤編自古圖書厄多經劫火亾未聞豪賈效舉作債家償編校留希弁飄零憶蓼塘披尋一椶觸老泪忽淋浪

山薑倚牆放疏蕊蒼藤喬木水爲鄰舊廬正在瓶山麓撥拾寒灰歎積薪

程廷獻書城

張鑑楓溪程君耐葬墓記楓溪擁巖程君卒十載季子文

藏書六

三

榮來謁文按略君諱廷獻字書城擁巖其號也弱不好弄

輯古佚書帝王世紀三輔決錄凡十餘種舊居瓶麓藏書

甚富得舊鈔北堂書鈔與明世所行海虞陳氏校補者大

異復感發輯蒼頡字林尤備視孫任兩家不啻有積薪之

歎焉又楓涇程氏藏書甚富長夏蘭川主人遣僕以瓶

麓讀書圖索題二首鈿軸身籤萬卷餘并眉大好讀書廬

異時苗發從相訪長水長塘或不如此生結習每流連觸

熱披圖亦墨緣安得借鈔親撥棹一株平仲指山前注云

瓶山因積酒器而成見縣志又南陽村圖歌楓涇鎮市

尾曰南陽村有舊廣宅三面環水蒼藤老樹百年物也蘭

川得之將移居遣人徵書畫因成此寄之君家老屋涇水

濱近復卜築來南村水三面環隔咫尺舊時喬木今猶新
又云山薑倚牆放疏蕊珠簾壓架交長根家具雖少有雞
犬洪崖婦子顏溫存汗牛經史萬卷富充箱金石千番屯
日長無事坐花下歐趙洪薛殊斷斷昌熾案蘭川疑爲文
榮之別號

牝雞持鬻百錢時高閣秋燈憶母慈好鳥飄風三歎息第將
甬上祝延之

計光祈曠伯

張鑑秀水計氏澤存樓藏書記秀水計氏二田介王徵士
研農以所受尊甫慕雲先生藏書來請爲記二田承餘緒
非一世築澤存樓縮衣節食引而弗替凡得自書賈書船
以及長塘鮑氏借抄者總經史子集爲卷六萬二千有奇

藏書六

三

余自束髮至南北舟車所接皆藉書卷爲淹滯而旋聚旋
散不勝飄風好鳥之歎就所見瓶花齋之散吾友眠琴山
館得其茗溪集德清許部曹得其隸釋隸續皆舊抄本小
山堂之散於友人處見蜀石經毛詩殘帙急勸鬻之爲士
禮居豪奪去天籟閣之散則字畫多於卷籍神仙起居注
其一也曝書亭之散於吳門書肆買得北盟會編前有竹
垞箸錄之一之印方是時渠家贖新塋張簡庵遺書未散
而所著瀛洲道古錄稿本尙在也又嘗因海上之役兩登
天一閣太息三百餘年靈光巋然夫士微時不能具竹素
楊士奇之母至爲鬻牝雞以易史略釋文十書直音其得
之難如是若旣聚之可不思所以永其傳今二田少孤撫

於其母閉門力學有劉氏墨莊之風余故述散聚之由卒
歸之甬上以爲頌禱之辭云道光甲午中秋 又澤存樓
藏書後記秀水計曦伯母沈太孺人能以詩書勗子孫如
新喻劉式妻陳之治墨莊余過高明之家網羅放失汗牛
充棟迨其後風鐙星火撇焉灰燼其故何也必先有不能
爲之主持定識定力如計氏於是益歛太孺人直超出尋
常萬萬斯克成此偉觀也 又二田齋記聞溪計氏曦伯
多積書籍以培其基間好畫以陶鑄其性靈舊藏多沈石
田憚南田真蹟因以二田自號并名其所居之齋 又題
計二田光炳冷音閣校書圖高閣疏林外攤書日掩門淵
源文苑舊家世黨人尊葉埽秋鑑永鉛研春露繁百年聊

藏書六

三

晤對風雨正忘言

首蓓闌干老廣文江南雙鯉寄殷勤論詩欲訂疑年錄未必

禮堂事鄭君

王兩樓

開有益齋讀書志王黃州小畜外集三十卷爲河間紀文
達公所藏據以錄入 四庫者也余後至菰城晤王兩樓
學博始見宋刊本亦止七卷未知卽文達所藏否 爾宋

樓藏書志寶祐會天厯李銳跋吾友徐秋厓孝廉過訪云
其友人王兩樓文學博雅好古喜收祕笈金望欣跋湖州

兩樓廣文余丙子同年王海濤之弟也收藏古書最富道

光壬寅余客歸安時相過訪 又嵇康集十卷王兩樓表

兄家藏乃叢書堂校宋鈔本從士禮居轉歸兩樓妙道人

書道光十五年十一月初九日 張文虎懷人詩王生世
彥雨樓一首經年住江北回首憶江南鄭重寄雙鯉語少
意自諳欲知我衰意絲鬢不勝簪昌熾案雨樓廣文道光
間人其年不在嘯山先生下何以北面稱弟子或名世彥
者別一雨樓乎記此以俟考

百衲絲桐藏篋衍一牀金薤整籤題風流罪過登彈事空有
蓮臺善業涅 劉喜海燕庭

鮑康劉氏長安獲古編序燕庭先生爲文正文清公孫文
恭公子章平之閤室無長物惟手輯金石文字逾五千通
服官中外廿餘載所至不名一錢而篋中錢幣尊彝載之
兼兩蓋博古君子也 又題唐泥造像捐冊唐善業泥造

藏書六

五

像前人未經著錄道光己亥劉燕庭丈游慈恩寺始於雁
塔下拾得或全或闕大小凡八具全者一面一佛坐蓮臺
二尊者侍下或蹲二獸蔭以娑羅樹一面則大唐善業涅
壓得真如妙色身三行十二字陽文道勁若敬客書託爲
奇觀作長律紀之 又題燕庭金石苑後卽送之入都詩
卅載搜奇書滿家藏來寶刻徧天涯斜陽古市無人迹爲
讀殘碑剔蘚花 錢泰吉校史記雜識少時閱讀書敏求
記心羨百衲史記恨不得見戊申初夏諸城劉燕庭方伯
言於廟市購彙集宋本每卷多有季滄葦名字印當効遵
王爲之者一南渡以前本但有集解一本兼有索隱恆字
慎字缺筆當是南宋本一本卷尾有建安蔡夢弼傅卿謹

案京蜀諸本校理宜梓於東塾二十字又云劉方伯所藏尙有集解索隱正義合刻本卷末有校對宣德郎祝書省正字張表隸書木記與天祿琳琅所記同開有益齋讀書志助字辨略五卷濟甯劉淇武仲撰劉燕庭方伯欲鑄不果余送方伯於嘉禾舟次方伯曰六藝綱目未得盧抱經校本實刻類編未補其闕卷助字辨略未刊三憾事也

朝昌熾案先生在浙藩時以風雅好古爲某中丞劾罷

潘文勤師言曾見所藏宋刻唐人集數十家皆精本也

四經四史同一齋望洋向若歎無涯稽天始有逢原樂此事難教語井蛙

楊端勤以請

野紹和彭吟

六藝而後限

難教語

梅曾亮卽墨縣教諭楊府君墓志銘君諱兆煜字熙崖聊

藏書六

三

城人嘉慶三年舉於鄉大挑得卽墨縣教諭予以增壬午進士

又海源閣記昔班固志藝文自六藝而外別爲九

四流則凡書之次六藝如諸子者皆流也非其源也況又次於諸子如詩賦諸略者乎然當秦火後餘裁數經至漢成帝時間二百年書已至萬數千卷之多而自漢以後幾二千年以至於今附而相推繳而相摧演而愈清醜而愈支昔之所謂流者且溯而爲源而流益浩乎其無津涯故書猶海也流之必至於海也勢也學者而不觀於海焉陋矣雖然海也久其中而不歸茫茫浩瀚愈遠而不知其所窮恂然不知吾之所如浮游乎無所歸休以終其身爲風波之民不亦憊哉

又曰同年友楊至堂無他好一專於

書然博而不溺也名藏書閣曰海源是涉海而能得所歸者歟或曰信如子言凡書之因而重駢而枝者悉屏絕之其可乎曰烏乎可游濫觴之淵而未極乎稽天浴日月之大浸是未知海之大也又安能知源之出而不可窮也哉而楊紹和楹書隅錄跋先端勤公平生無他嗜一專於書所收數十萬卷度海源閣藏之屬伯言梅先生爲之記別闢書室曰宋存貶天水朝舊藉而以元本校本鈔本附焉癸亥甲子間紹和里居撰海源閣書目成復取宋元各本記其行式印章評跋管窺所及閒坵跋語乙丑入翰林簪筆鮮暇此事遂輟頃檢舊稿之已成者釐爲五卷名曰楹書隅錄同治己巳仲夏聊城楊紹和彥合甫識

楹書隅

藏書六

七

錄宋本毛詩先公於己酉購之揚州任容甫先生家辛酉皖寇犯肥城西境據予華跗莊陶南山館者一晝夜自分珍藏圖籍必已盡付劫灰及寇退收拾餘燼尙十存五六而宋元舊槧所焚獨多此本僅存十八至末三卷豈真大美忌完理固如是乎然錢遵王有言此等書勿論其全不全譬諸藏古玩家收得柴窑殘器半片便奉爲天球拱璧而况鎮庫典籍乎又云桐鄉陸敬安冷廬雜識云聊城楊侍郎得宋板詩經尙書春秋儀禮史記兩漢書三國志顏其室曰四經四史之齋可爲藝林佳話然先公所藏四經乃毛詩三禮蓋爲其皆鄭氏箋注也尙書春秋雖有宋槧固別儲之先君與陸君平生未識面當由傳聞偶誤耳

漫疑荒幻等齊諧帳祕由來重伯喈欲向榕城撥遺燼青山
踏破幾芒鞋

陳徵芝蘭鄰

嚴可均北堂書鈔書後孫淵如得書鈔原本後爲何夢華
所得夢華棄世其子以售於秀水令陳振之振之閩人昌
熾案此書今歸同里蔣太守鳳藻顏其藏書之室曰書鈔
閣周季貺星詒云陳名徵芝非振之嚴氏得之傳聞故音
同字誤又讀書敏求記季貺有校語云說文解字三十卷
繫傳四十卷福州陳氏帶經堂藏有宋刻本丙寅歲向星
村秀才索觀則爲其從兄攜赴臺陽學舍矣悵惜久之陳
氏居在文儒坊其先人蘭鄰大令以名進士爲令浙江藏
書甚富星村名樹杓亦善鑒別予書大半得之渠家 陸

藏書六

天

心源帶經堂陳氏書目書後帶經堂書目五卷陳蘭鄰大
令所藏書也予粵東歸田本無出山之志後聞陳氏藏書
散出多世間未有本遂奉檄一行及至閩遍訪陳氏後人
僅得張清子周易纂注金仁山尙書注楊仲良長編紀事
本末三書餘皆不可得其孫字星村者亦略知書詢以各
種秘冊則云最祕之本其先人別儲一樓爲蟲蝕盡或者
當在其中其信然耶周季貺太守謂其目爲星村所偽造
然如梁溪集玉堂集等皆注明藏印及序人姓名恐非僞
造後之人其再訪之

湖上羣山山上樓校書人共住樓頭寫官樓下雁行列門外

借書人繫舟

錢熙輔鼎卿 熙祚錫之 熙泰鱸香 熙載

熙泰鱸香

熙載

張文虎愚庵錢公家傳公諱樹芝字瑞庭別號愚庵先世自奉賢遷今之金山祖鏗嗣父溥義公生無他嗜好間以金石書畫自娛五子熙恩熙輔熙祚熙哲熙泰松江府志錢熙輔字鼎卿蕪湖教諭婦翁吳省蘭輯刊菴海珠塵至八集而止熙輔續輯壬癸二集以竟其業弟熙祚字雪枝敘選通判好表彰古今祕籍輯刊守山閣叢書及指海珠叢別錄素問靈樞凡數百種儀徵阮文達序其書謂於人謂之有功於己謂之有福後以謁選病歿京邸熙泰字鱸鄉廩貢生署靖江教諭又錢熙載字嘯樓好藏書張文虎候選訓導錢君殯志君從弟錫之輯守山閣叢書招予佐其事君多藏祕帙時假校錄君諱熙經字心傳別

藏書六

五八三

自號漱六祖薄義父樹立子培名培炳培繼又顧尙之別傳君名觀光字賓王尙之其號世居金山鄉錢氏多藏書恆往假恣讀之錢教諭熙輔輯菴海珠塵壬癸二集及刊重學錢縣丞培名輯小萬卷樓叢書君皆與參訂表又勤有書堂贍臺序鼎卿先生好沉默淵覽晚歲常居郡垣谷陽門外別業聚書益多春木姚丈爲取韓退之語額之曰勤有書堂又孤麓校書圖記浙江文瀾閣在西湖孤山下功令願讀中祕書者許領出傳寫道光乙未冬錢錫之通守輯守山閣叢書苦民間無善本約同人僑寓湖上之楊柳灣去孤山二里許面湖環山上有樓樓下集羣胥間日扁舟詣閣領書命抄畢則易之同人居樓中校讐湖

光山色滉漾几席間意豁如也是役也校書八十餘種鈔書四百三十二卷同游六人金山錢熙祚熙泰顧觀光平湖錢熙咸嘉興李長齡南匯張文虎又十三間樓校書圖記西湖寶石山之半蓋有宋十三間樓舊地爲東坡守中杭時治事之所今地入彌勒院郡人瞿君世瑛重輯己亥庚子秋錢君熙泰續文瀾閣校書之役偕予兩寓於此樓前爲後湖夾岸卽錦帶橋動止殮寢皆在竹陰嵐翠中張鑑金山錢氏守山閣藏書記去金山縣十八里曰秦山山石柔脆道光丁酉官以築海塘伐石別駕錢雪枝尊甫持論爲無益廬墓于計徒被毀掘命雪枝倍其輸以告當事得已由是閭里相與慶於路乃構宗祠於麓復爲閣以

藏書六

三

貯藏書顏曰守山蓋自其祖羽章先生來居此垂二百載莫與此山相守於無窮也熙祚西湖雜詠詩楊柳灣邊傲小樓畫中詩思鏡中秋清風入座丹黃罷四壁湖山作臥游一角孤山倚日邊文瀾光彩照湖壩草茅何福窺中祕身到瑯嬛第四天自注閣凡三層連平地爲四

藝芸散後歸何處盡在南瞿與北楊惟有宋元書目在一編

中有小滄桑

汪士鐘闕源

汪士鐘闕源

同治蘇州府志黃丕烈藏書歸長洲汪士鐘士鐘摹刻宋本孝經義疏禮儀單疏劉氏詩說郡齋讀書志諸書贊對精審舉世珍若球璧黃丕烈郡齋讀書志序闕源英年力學讀其尊甫厚齋先生所藏四部之書以爲猶是尋常

習見之本必廣搜宋元舊刻以及四庫未采者於是厚價收書不一二年藏弄日富顧廣圻藝芸書舍書目序汪君閩源藏書甚富取宋本元本別編其目各成一冊汪君宿具神解凡於有板以來官私刊刻支流派別心開目瞭遇則能名而又嗜好所至專壹在茲仰取俯拾兼收並蓄揮斥多金曾靡厭倦以故郡中傳流有名秘笈搜求略徧遠地聞風挾冊趨門朝夕相繼如是累稔遂獲目中所列宋若干種元若干種既精且博希有大觀海內好古敏求之士未能或之先也潘文勤師藝芸書舍宋元本書目跋吾郡嘉慶時黃蕘圃周香嚴袁壽階顧抱冲所謂四藏書家也後盡歸汪閩源觀察蔭之姑母歸觀察之子珠

藏書六

三

林比部德英蔭少時至汪氏山塘所居其堂宇軒敞樹石蕭森堂中懸楹聯種樹似培佳子弟擁書權拜小諸侯阮文達隸書阮與汪故有連三十年如在目前也咸豐庚申已前其書已散失經吏佳本往往爲楊致堂丈所得兵燹以後遂一本不存今從其家得宋元書日鈔本富矣精矣真不減東澗滄葦皆蕘圃澗蘋諸老爲之評定故絕無僞刻昌熾案汪氏書長編鉅冊皆歸菴里瞿氏歸楊氏者其畸零也閩源父厚齋名文琛開益美布號饒於貲祔文端刻說文繫傳序所謂假之富民汪氏未得者也其藏書印曰民部尚書印又有三十五峰園主人印

吾識虞東隱君子晁陳絕學守叢殘高齋雞黍猶前日悵絕

身絃不復彈

瞿紹基蔭棠子鑄子雍

孫秉淵敬之

弟秉

同治蘇州府志瞿鏞字子雍歲貢生居菰里村父紹基好購書收藏多宋元善本鏞承先志益肆力搜討常邑自絳雲汲古以至愛日稽瑞二百餘年間儲藏家代不乏人鏞所著鐵琴銅劍樓書目既博且精足爲後勦 黃廷鑑恬裕齋藏書記出賓湯門十里其塘曰南塘辛峯左峙清水東渚有村曰罍里沃壤千畦桑竹彌望故學博蔭棠先生隱居在焉有齋曰恬裕其藏書之所也君以明經選授廣文一試職卽歸隱讀書樂道廣購四部旁搜金石歷十年積書十萬餘卷昕夕窮覽嘗繪檢書圖以寓志時城中稽瑞愛日兩家競事儲藏先後廢散君復遴其宋元善本爲

藏書六

三

世珍者拔十之五增置插架由是恬裕藏書遂甲吳中嘗慨世之好典籍者皆爲造物所忌今君之詰嗣子雍明經克成先志搜奇羅逸不懈益勤則藏書爲造物忌之說于是不讐矣道光庚子十月朔書張星鑑懷舊記季明經錫疇字菘耘太倉州人敦品勵行爲文謹守先正出入震川堯峰之間晚年館虞山瞿氏館中多善本書得於黃氏士禮居者爲多君悉跋尾遂成藏書志若干卷 同治常昭兩縣志流寓傳錫疇校書盈千種異同舛誤靡不悉心攷證咸豐十年避寇李墅抑鬱以終遺書千卷燼於火自昌熾案瞿氏藏書今尙巍然無恙庚申之難子雍先生子秉淵字敬之秉濬字性之載其遺書避地江北間關轉徙竟

脫於難繪虹月歸來圖以誌幸余嘗偕管子申季王子芾
卿三度訪之極之兄弟盡出藏書以見示并以鐵琴銅劍
樓書目屢爲補輯每到必盤桓日夕談晁陳之學相得甚
懽自丙子以後余南北奔走不復能再啟瑯環而敬之兄
弟亦先後殂謝眷念黃墟爲之三歎

一片湘雲盪水涯茶鐙藥臼費安排東湖西塞聽人說卻似
隨齋爲直齋 錢天樹仲嘉

舒藝室詩存錢夢廬天樹當湖老名士也以嗜古好客貧
其家性喜竹仿竹裏煎茶圖寄予題之清波一片蕩湘雲
綠映鬚眉對此君室有圖書供遣日座餘賓客快論文茶
鐙藥臼憐中歲漁婢樵青數舊聞猜作元真渾不似東湖

藏書六

西塞聽人分 暴書雜記夢廬篤嗜古籍嘗於愛日精廬

藏書志眉間記其所見猶隨齋批注書錄解題也 士禮

居題跋記邵埽編三卷讀書敏求記云王伯穀藏宋刻後

歸牧翁付之絳雲一炬平湖錢夢廬新得宋書棚本不知

與絳雲原本同乎異乎夢廬本爲歷來藏書家珍貴玉蘭

堂竺塢二印文是也又有七十二峯深處一印取穴研齋

寫本證之多同述古何人舊姓錢向時書籍等雲煙虎賁

猶作中郎想摹本猶傳邵埽編小劫樓頭起絳雲六丁取

去世無聞浙中別有儲藏富三卷居然是祕文懷人異地

各聞名一紙書馳兩日程忽爾夜航來遠道開函古豔使

人驚曾留竺塢玉蘭堂卻在文家不是王七十二峯深處

好幾家流轉感滄桑君家書籍憶臨安多少奇文是宋刊
十卷茅亭密話本攜來雙璧好同看汲古雕來穴研鈔弁
言一葉並皆拋影撫補闕珍如寶不獨奇疑取互交此六
絕句爲借錢氏宋刻卻埽編而作其實未題於宋本後也
既而夢廬知有是詩寄素箠索書 鐵琴銅劍樓書目會

昌進士詩舊藏嘉興錢氏有錢天樹印味夢軒二朱記

九經已有四經亡披髮巫陽下大荒一旦復還詩要義卿雲

如葢覆書堂

胡惠塘篋江

陌宋樓藏書志麗澤論說集錄十卷有當湖小重山館胡
氏邃江珍藏朱文長印胡氏名惠墉平湖人道光中藏書
家也 曩書雜記記錢夢廬語云龍龕手鑑昔年書友願

藏書六

三

姓攜遼板大字本余慾密小重山館主人購藏不果 莫

氏宋元本經眼錄毛詩要義有錢天樹跋云魏鶴山九經
要義 四庫全書載周易儀禮尙是全帙尙書春秋皆非

完本揚州阮氏得尙書三卷卽 四庫所闕之卷又禮記

三十一卷首闕曲禮上下二卷其餘四經竟無從咨訪矣

壬辰仲春邃江婿不惜重值購得宋槧毛詩要義首尾完
整觸手如新爲曹棟亭舊藏眞希世之祕笈也郡城金氏

藏有宋槧禮記首二卷卽阮氏所缺之帙當訪求之從此

易詩書二禮五經皆成完書眞大快事也邃江席豐履厚

而不以他好縈心惟古人祕笈搜訪不遺餘力是可尙已

授經如見伏生圖八十分湖一釣徒白髮紅顏相對寫阿翁

何似趙凡夫

陸筠瓠尊

章金益齋

錢儀吉陸瓠尊翁筠八十像贊積書滿家耄學勤刪羨撻
誤理放紛門庭整潔禮教敦苑枯一致娛斯文有眸者容
長說忻淑我里閭皆德薰蒲輪他年資方聞乞言百歲此
隱君 暴書雜記瓠尊名筠本貫吳江後寄居秀水其子
孫遂爲秀水學官弟子吾友金岱峯之婦翁也 又云咸
淳臨安志頌從秀水章益齋廣文金案頭見舊抄本乃趙
東潛借繡谷亭本過錄者益齋云以校汪氏新刊有可補
闕 又云益齋年逾古稀鈔書不輟二十年前嘗鈔樂書
全部影宋精絕共計一千二百餘葉以舊藏宋本更假東
津亭馬氏所藏宋本校正閱兩年而成圖譜多其長子婦

藏書六

三五

所繪吾家凡山文學善揚之女也自陸丈瓠尊下世吾鄉
幼書者章君爲魯靈光矣 又陸蕢香暴書圖跋瓠尊先
生所藏書皆校勘精審得一善本丹黃不倦晚年猶從余
假何義門兄弟後漢書校本過錄余亦從先生得錄三國
志評點本未幾先生下世所藏盡散而蕢香能守叔父之
所授表而章之 張鑑題陸蕢香鑲鬱林山館圖吳趨諸
陸朱兩幡族均顧氏源平原又云他年相訪臨頓里何知
不是桑苧園

四面天青立秋隼搶榆肯共鸞鳩飛樊桐南野雖已矣元會
仲容或庶幾 曹言純種水 管庭芬芷湘

暴書雜記同邑曹種水明經名言純自翦冠後專心詞章

之學家苦無書借人書籍節取其精華蠅頭細書三十餘年無慮千百冊余嘗勸其仿庾仲容子鈔馬元會意林鈞元提要彙爲一編種水頌之而未暇爲今遺書滿籥恐無人收拾矣近時海昌喜鈔舊籍而端楷不苟者莫若郭溪萬泮南繼常余嘗從管芷湘庭芬處見其手寫談孺木海昌外志周松靄海昌勝覽因至郭溪訪之相與訂交泮南澆篤君子也芷湘與潘梧君藹入皆喜鈔書梧君專錄名人文集寒暑不倦芷湘留心海昌掌故與泮南同而於目錄之學尤爲專門近校讀書敏求記視邗上新刊者爲勝陳節亭名欣時專鈔明季遺事不下數十種若排比成書亦談氏國權之亞李貽德贈曹種水詩我昨儼掉鴛湖

藏書六

三

菊白眉爲我談古香樊桐南野不可作後之勛者尤飛揚少時森森挺玉筍藏鏹半爲買書盡草間狐兔不敢驕四面天青立秋隼自注古香種水舊號曠昌熾案種水藏書處曰五千卷室亦見暴書雜記曠曠對曠音南同而致目元時文類漢時史定本校讐可殺青官冷身閒更何事深廬

注墨寫黃庭

錢泰吉輔立

王拯錢先生家傳先生諱泰吉字輔立自號警石先世本

何居浙之海鹽甘泉鄉養於邑錢翁數傳至復官大興縣令先生考也先生官海甯州學訓導年甫三十七在海昌爲暴書雜記兩卷自道所得成一家言海內藏書家爭購傳之甘泉鄉人稿藏書述余六經粗畢先大夫曰我有

書數千卷在吳橋縣王氏當取以畀爾迨先大夫喪歸過吳橋縣之連兒窩王氏以書來歸遂攜以南籓排甲乙先宐人願而喜曰兒好書可以畢父兄之志矣惜吾家耆英堂數萬卷盡屬他姓否則恣所流覽也晟丁卯世父得語溪吳氏黃葉村莊藏書盡舉以賜從兄衍石贈以通典通攷南昌新刊十三經注疏從父中丞公又賜胡氏所列通鑑文選三十年來遇善本非力所不能得必購藏焉今雖不及儲藏家十分之一而學舍中一堂二內所以充棟者皆書也 又跋元西湖書院所刊蘇氏文類余舊藏建安劉氏翠巖精舍所刊紙墨極精壬辰八月假莊芝階舍人所藏校核乃至元二年西湖書院雕印之本也 又跋校

藏書六

三

本元文類修德堂本由字缺筆當刻於明天崇時庚寅冬日旣用翠巖本校勘一過今春於蔣生沐茂才所見西湖本假歸細校中有成化重刊訛字不少蓋今所見西湖本皆印於明時不及翠巖本之爲元時初印也 又跋晉藩刻元文類余見於吳山書肆有年矣道光己亥以事至杭州偕金岱峯登山閱肆此書插架如故也乃市以歸暇日當校其異同且訪求他本也 又記兩漢書校本初從李廣文遇孫假其大父敬堂先生手錄義門校本自己丑十一月至辛卯十月畢壬辰假武英殿本校一過蕭氏音義宋氏三劉氏之刊誤館閣諸公攷證悉錄簡端欲續校後書未能也癸巳春日得義門弟小山所校兩書乃先校後

書繼校前書甲午六月畢又得諸草廬先生所錄義門校
續志三十卷李本未備者得補錄焉甫里所謂精實正定
可傳或庶幾焉又冷齋勘書圖記丁亥泰吉始爲海甯
州訓導先世遺書萬餘卷盡攜之學舍中取仇山村官冷
身閒可讀書之句以名其齋又深廬肆書研銘道光庚
戌二月得頴上蘭亭黃庭舊拓本暮春之初獲此青花研
集帖中語銘之欣於所遇得於已快然自足不知老閒暇
無事修太平玉石落落是吾寶

羣玉英光訪寶章積書忙似鼠搬薑奩中舊史遺蠶室別下

蔣光煦生沐

叢編繼免牀

錢儀吉蔣母馬安人傳安人海昌馬氏歸侯選布經歷蔣

藏書六

三

君星槐亦州人也蔣君筵劉氏生子光煦十歲蔣君卒安
人課之讀涕泣告誡之光煦亦感動自厲於學甘泉鄉
人藁以常南陔刻率更千文贈蔣生沐生沐報以漳蘭四
盆賦寄生沐詩蔣君邇來富墨妙佳刻喜得英光堂欲師
米老錄待訪寶章一一加評量自注生沐近得岳倦翁所
刻米帖光煦刻拜經樓藏書題跋記後序光煦少孤先
人手澤半爲蠹魚所蝕顧自幼卽好購藏三吳間販書者
皆若人來則持書入白太安人請市焉輒歎曰昔人有言
積金未必能守積書未必能讀若能讀卽爲若市以故架
上書日益積稍長欲得舊刻舊鈔本而茗買射利之術往
往索時下諸刻與易而益之金則輾轉貿易所獲倍蓰未

幾凡余家舊藏世所恆有之書易且盡矣今計先後哀集者蓋得四五萬卷昌熾案先生撰東湖叢記其小引題咸豐六年丙辰七月放庵居士蔣光煦識於商觚周鼎泰鏡漢璧之齋又嘗刻別下齋叢書涉聞梓舊世稱善本弟光焞字寅昉吾友查翼甫燕緒之婦翁也亦好藏書翼甫奩贈中有元中統本史記余嘗見之宋一編文獻吾家一綫危非公孰與祝延之公書剝落生芒未同病相憐笑蛇虵胡珽心耘 楊文孫秀實

呂晉昭胡文學傳胡君樹聲字震之又字雨棠原籍休甯父印川習鹺業遷蘇郡君應商籍補仁和博士弟子員善藏書所購多宋元舊本不吝值或更手自繕錄積至千百

藏書六

完

卷類其居曰琳琅秘室子二斑勳常葉廷瑄吹網錄胡心耘名斑浙江仁和人太常寺博士僑居吳下好收宋元舊本書手自校勘有得卽記數年來與余爲賞奇析疑之交庚申冬避亂滬城辛酉四月歿於旅舍年四十所著有石林燕語集辨嬾真子錄集證二書皆未刻蒐采詳贍可傳之作也又石林奏議宋本十五卷百宋一塵賦所謂脈石林之奏議鬱剝落而生芒也後歸三十五峯園汪氏未幾汪氏藏書亦散爲吾族人某所得欲重梓而無力近聞胡君心耘搜羅祕籍遂介余以歸之胡君欣然影鈔數本流布四方而以原本精裝什襲蓋自開禧鈔板七百餘年幾至湮沒而復傳于世亦公之精神默爲呵護哉又

浦西寓舍雜詠良友他鄉慰索居誓收祕籍劫灰餘如何
遽返瑯嬛地拋擲遺編絕蠹魚注云仁和胡心耘欲廣收
已散之書辛酉夏賁志而歿遺書且莫保矣昌熾案石
林奏議今歸若上陸存齋觀察已影寫付雕矣石林燕語
集辨嬾真子集証書在張孝廉叔朋處屢勸其付梓未
果也心耘所居在吾郡定慧寺巷其所排印琳瑯祕室叢
書四集三十種宋于庭徐山民爲之序世甚珍重同時寓
公海昌楊文蓀字秀實號芸士亦好藏書余在密里瞿氏
見龜溪集金亦陶鈔本卽芸士舊藏也錢衍石給諫楊芸
墅小象贊云鬱天人之策而功在藝林踐退讓之節而名
聞東南久不相見何貌之臞何思之深誦暮年之詞賦感

不絕於余心

藏書六

早

繡髻諸子走都市牽絲撮弄又何知忽嫌架上無精本如此
椎埋亦大奇

勞權平甫

弟格季言

師友淵源記勞權字平甫格字季言居浙江仁和之塘棲

鎮髫年俱以治經補弟子員後遂不與試丹鉛雜陳專攻

羣史時人有二勞之目一丁寶書勞氏讀書雜著序勞氏

羣從長青主次巽卿幼季言爲笙士先生之喆嗣笙士博

覽多間撰唐折衝府攷未脫橐季言續成之爲世所稱季

言校元和姓纂大唐郊祀錄北堂書鈔蔡中郎集文苑英

華及唐宋各家文集示子皆丹黃齋下密行細書其引證

博而且精又云巽卿精於校讐之學季言所著殘缺失

次子窮數年之力輯成讀書雜識十二卷又唐御史臺精舍題名考二卷郎官石柱題名考二十六卷爲仁和趙星甫太史鉞創稿而季言續成之勞檢亡弟季言事略季言嘗鑄一小印曰實事求是多聞闕疑凡所校之書必鈐其印於卷端同治三年甲子四月二十五日歿於同里寓舍年僅四十有五無子葉廷瑄浦西寓舍雜詠眞讀書人賦亦欽纖塵不使講帷侵黃中知避康成里漢季儒風又見今注云仁和勞季言家塘棲累代富藏書季言尤以博洽名賊首至其門戒其徒謂此讀書人家毋驚之入室取架上卷帙觀之曰聞此家多藏祕籍何此皆非善本殆移匿他處邪徘徊良久不動一物而去賊亦知書異哉季

藏書六

聖

言人素篤實貽札自述當非虛語 詠宋樓藏書志西溪叢語勞異卿藏本題云咸豐丁巳八月二十六日和勞權記於秋井草堂一題蟬隱一題丹鉛精舍主人記又西陽雜俎題云異卿權識于拂塵掃葉之樓又丁鶴年集題云癸卯九月四日書於玉參差閣臥室又詩家鼎鑪題云八月二十一日蟬隱初度又扣舷集題云咸豐甲寅六月道暑漚喜亭得閒鈔此飲香詞隱記於池上西窗下又眉庵詞題云咸豐甲寅閏七月移家玉參差館飲香生記河間君子館甄館廠肆孫公園後園月老新書紫雲韻長歌聊爲續梅邨 劉位坦寬夫 子銓福子重

何紹基懷都中友人詩退翁餘韵在檐楹天咫宦中面百

城妙有見郎能好古勤收翠墨饌先生自注劉寬夫所居
卽孫退谷遺址乃郎子重亦好古昌熾案寬夫先生名位
坦子重名銓福大興人藏弄極富貴筑黃子壽師其女夫
也余客歲館子壽師次君再同前輩京邸見宋刊婚禮備
要月老新書紫雲增修校正禮部韻略皆先生舊藏月老
新書尤爲奇祕余做梅郵郵祭酒體作長歌一首紀之再同
云先生疊書龕在城中廣濟寺因得河間獻王君子館甄
名其居曰君子館甄館又曰甄祖齋所居在後孫公園其
門帖云君子館甄館孫公園後園今其孫尙守舊宅而藏
書星散矣

西湖三篋空手寫煙水秦淮正黯然回首東園高樹畔諷書

藏書六

嗜嗜正鳴蟬

朱鶴曾述之

甘福德基

望

陸心源開有益齋讀書志跋上元朱述之先生諱緒曾道
光初舉人一目十行無書不覽藏書甲於江浙累官浙江
秀水孝豐知縣有循聲其書仿郡齋讀書志之例而精核
過之劉壽曾開有益齋讀書志跋上元朱述之先生以
研經博物聞名東南所著開有益齋集都十餘萬言佚於
兵火此讀書記六卷金石文字記一卷蓋全集三之一先
生詰嗣桂櫜之言曰先君子藏書至富每遇祕笈尤喜傳
鈔咸豐癸丑粵寇陷江甯先君子方官浙中慨收藏之友
燼因取旅次所存數十篋日夕關覽掇其大旨筆於別簡
其假自友朋者亦爲題記嘗曰吾集與甘泉鄉人稿相類

無空言也。甘元煥讀書續志跋先生所居秦淮水榭藏書十數萬卷，丹黃斟畫皆精審。先石安仲兄喜撥鄉邦掌故及金石雅訓之學，時從討證。先生輯金陵詩徵，亦假余家津逮樓書，瓶借往還。幾於置驛，先生官浙水，又獲鈔文瀾閣本。故所弄宋元祕笈多外間所罕見者。昌熾案甘君字建侯，爲余丙子同年。開有益齋讀書志緒，曾祖父雲浦公年八十，手寫爾雅以爲娛。老清課，故緒曾七歲卽熟誦。此經嘗於秋日先父攜至東園，苑家橋蟬嘒嘒鳴高樹，命誦釋蟲篇，炯屬索解不已。曩書雜記述之，權知海昌得縱觀所藏書，余擬助之編纂書目述之，調任嘉興，遂不果。後其書載歸金陵，已付劫灰矣。張文虎感逝詩藏書

藏書六

三

遭賊焚三篋，還自寫一官，落西湖所不愧。風雅何時鏡湖水流到西陵，下注云朱述之太守家江甯藏書甚富，燬於賊君在浙公暇寫書不倦，咸豐十年賊破杭州，客死山陰。又秋日懷人詩萬卷殘書付劫灰，烽煙回首尙驚猜。西湖收拾閒風月，珍重瑤編遠寄來。注云朱郡丞緒曾在浙得祕籍，輒以見寄。續纂江甯府志人物傳甘國棟字遴士，江甯人，晉于湖敬侯卓裔也。家有津逮樓積書至十餘萬卷，子福遐年延年福子煦字耆壬弟熙，又孝友傳甘福字德基，號夢六生，平嗜學，慕古蓄書極富，至今談收藏者猶稱甘氏津逮樓焉。著有保彝齋日記鍾秀錄，又目錄。

類甘福津逮樓書目十八卷

志類式生武國泰新本

車驅車驅洛陽肆不得歸來夢中嚙何如沮誦未船初穴居

盱眙無文字

邵懿辰位西

曾文正仁和邵君墓志銘位西仁和邵氏諱懿辰潭思經籍著尙書通義孝經通義書古文若干卷孫琴西方伯位西遺書跋位西初以中書直軍機處歷刑部員外郎深識偉論往往驚其儕輩咸豐己未予由安慶引疾歸位西在杭州未相見明年杭州陷遂及於難又跋云位西文字今可見者儀禮通論上卷古文三十餘篇吳仲宣制府刻之淮安其讀書日記所謂枕行錄者丁君丙刻之杭州橋西雜記邵君蕙西居京師購書甚富案頭置簡明目錄一部所見宋元舊刻本抄本手記於各書之下以備他

藏書六

四

日校勘之資蕙西遺稿偕伯言過厥肆買書有作莊生貧如涸轍鱗豈有羣書供獺祭翻新不肯襲糟粕屬書離辭何詘麗古者私家無竹帛閭塾相傳但經菽後來著作日紛紛棗木行將塞四裔傳摹甚易得不難翻使聰明受揜蔽當年制字煩鬼哭更欲燒書起秦帝就中古冊不可無一二精英擢蕪翳連鑣不厭百回看洛陽市肆歡游詣先生皮架盈古香十萬驂騮簡精銳此皆下駟不足貪識寶波斯偶留憇叨同雅好耽緇素愧與市人生校計得虞重費囊底差失每牽懷夢中嚙先生一笑子歸休臥想陶

陶結繩世

不爲父母昆弟容舊誣一息鄭司農從前幾被南昌誤堂密

原來有美樅

葉名澧潤臣

張星鑑懷舊記葉侍讀名澧字潤臣湖北漢陽縣人道光十七年舉人官內閣侍讀家門鼎貴依然寒素汲引人才惟恐不及著敦夙好齋詩集八卷咸豐九年歿於杭州

潘文勤師橋西雜記序葉丈潤臣擁書十萬卷有志纂述所著有周易異文疏證禮記鄭讀疏證戰國策地名考皆未卒業橋西雜記則隨筆最錄之書橋西者丈所居紀文達故宅當京師虎坊橋之西也橋西雜記邵君蕙西購書甚富名澧與之言曰彭文勤公嘗詆讀書敏求記染骨董家氣我輩讀書當用力於其大者未可蹈此蔽也後閱錢氏暴書雜記引鄭康成戒子書吾家舊貧不爲父母昆

藏書六

望

弟所容康成大儒不應出此語考元刻後漢書康成本傳無不字與唐史承節所撰鄭公碑合今本乃傳刻之誤此校書之有功於先賢者名澧始悔前言之陋又云朱子嘗著韓文攷異校勘之學宋儒所不廢又云偶憶李生甫先生跋盧氏抱經堂所校方言云冷淡生活勝於徵歌選舞多矣嘆爲至言昌熾案潤臣父東卿先生名志詵收藏金石書畫甚富余曾見其家藏印曰葉志詵及見記又有葉名琛名澧兄弟同鑒定一印

關西夫子何爲者六經黥則無完膚天下靡然嚮風矣一家偏好於癡符

路慎莊子端

張星鑑書關中事塾屋路德名進士也主關中書院講席

苦五經卷帙之多妄爲刪削所存者不及半書肆樂其易於鋟板也俗師亦樂其便於生徒習之既久幾不知五經眞本咸豐末浙西慎編修毓林視學陝甘以經題試士士子茫然不知在何經叩其故所讀者皆路德所刪之本耳使者大駭出示嚴禁欲燬其板一時燬之不勝燬也將入奏中丞某公正之由是學者因陋就簡之心固結不解而其書流傳各省卽都下鉅公亦有奉爲圭臬者 鮑康觀古閣叢稿路子端侍御見和詠泉長律三十四韵再疊奉酬憶向都門去欣窺鄴架全平遮窗皎潔圍作壁精堅甲乙排鱗次縱橫詞繡聯軼揆秦漢上槩記宋元前香逐身籤冷輝生錦暉鮮祕書曾補綴寫本更端妍倉許儕曹氏

藏書六

吳

船應做米顛丹黃勞點訂縹碧耐鑽研志續晁公武人如邊孝先佳辰頻造訪鎮日共流連世有論癡客時深翰墨緣祇誇陳玉躑也自質金鈿充棟層軒鎖盈車遠道牽新如手未觸讀笑願虛懸縱詞桓譚富何曾伏勝傳蝕徒共蠹飽浣或篆蝸涎誰及南臺彥深居小洞天奇貪應謂賈清福勝登仙斐几明於鏡芸編白似髭分鈔禿筠管補逸潑松煙縷密紛能析珠穿爛若駢舊觀還許證眞面識良便駿業名山擅駒光福地延報瓊宐倒篋引玉但拋磚蒲截原推路槎乘伉効鸞參苓齊采掇梨棗倍雕鐫定喜增新帙無忘奇彩箋癡懷思借住妙悟得眞詮願絮人三五還拌酒十千甘居讐校列一一爲塗鉛自注云子端藏書

六萬餘卷多宋元雕本有蒲編堂書目八十卷又云子端慨晉以前書多名存篇帙因取他書所引證者一一析而出之俾還舊觀作漢魏遺書續鈔已成四十餘種 昌熾案子端爲閩生太史之子太史制義風行天下三家村塾寶爲金科玉律子端獨篤志好古藏書甚富其後人筮仕於淮乙酉之秋捆載遺書到吳求售余曾得舊刻數種有正統本兩漢書陳簡莊歎爲至佳者爲丁泳之丈所得至今猶懸夢寐中也

樓臺海上湧金銀織罽西來白大秦誰識子雲高閣畔遺書寂寞訂先民 郁松年萬枝 顧秉源潤齋

同治上海縣志郁松年字萬枝號泰豐恩貢生好讀書購

藏書六

七

藏數十萬卷手自校讐以元明舊本世不多見刊宜稼堂叢書 師友淵源記松年饒於財凡宋人典籍有未刻或刻而版廢者不惜重資以羅置鄴架吳門黃氏百宋一廬所藏歸山塘汪閩源家近亦散布而入滬濱矣 莫氏宋元舊本書經眼錄魏鶴山毛詩要義三十八卷儀徵相國采進遺書亦未見上海郁泰峰氏乃搜獲曹棟亭舊弄宋槧本于嘉興士家海內更無第二本遂卓然爲宜稼堂數十宋槧之冠 甘泉鄉人稿沈曉滄垣寄贈徐君渭仁新刻思適齋集詩沈侯嗜好別流俗休沐逍遙辭劇務好事近得郁與徐異書校勘爲點注自注云上海郁松年所刻宜稼堂藏書曉滄亦曾相贈徐郁兩君所刻書皆曉滄

精心爲之校定。持靜齋藏書目建康實錄有郁泰峯己酉年所收書印。松江府志顧秉源字潤齋南匯人監生。少有神童目長益探討經史購藏書萬卷人擬之小瑯嬛。吳下名園顧辟疆蛾眉列屋爲添香荒攤敝紙難收拾竟使遺聞付夢梁。

顧沅湘舟

錢泰吉可讀書齋詩集吳山遇吳門顧湘舟沅知其收藏舊籍及金石文字甲於三吳劇談良久既而過訪寓齋以其姬人綠卿素君紫娟合書團扇見贈屬題繡餘讀書圖率成三絕句東吳顧文學卅載舊知名閱肆得相遇高談四座驚贈我白團扇丹青一一工腐儒無豔福也幸拂清風南面百城擁豪於列屋居豈知讀書後分校數行書。

藏書六

吳

丁氏持靜齋書目周易旁牋顧沅家藏有古吳武陵叔子湘舟氏珍藏印樊川文集有武陵懷古書屋收藏秘香閣收藏顧沅湘舟氏諸印徐正字文集顧沅跋云山陰沈霞西精抄本紹郡獲此如得奇珍昌熾案湘舟別疆園在郡城南橋西街庚申之劫其所藏盡爲豐順丁中丞捆載以去持靜齋書目所著錄多其家書也去歲己丑余游琉璃廠閱肆在一荒攤見破書三冊皆湘舟哀刻同時人贈言及所刻書序初僅索價京錢三四千繼視余把玩不釋疑爲奇貨可居遽藏去不肯售湘舟遺事遂不能詳至今耿耿於懷不能去也。

世上居然有唐本千年古鏡出塵埋地隕我亦馬生疥欲得

君家枯柳楷

莫友芝子儷

曾文正公翰林院庶吉士遵義府學教授莫君墓表君諱與儔字猶人一字傑夫貴州獨山人嘉慶己未進士子九人友芝辛卯科舉人松江府續志流寓傳莫友芝字子偲博學嗜古尤精小學著有邵亭文抄友芝唐寫本說文解字木部箋異引同治改元初夏舍弟祥芝自祁門來安慶言黟縣宰張廉臣有唐人寫說文木部之半篆體似美原神泉詩碑楷書似唐寫佛經枯栢諱闕而柳印不闕例以開成石經不避當王之昂蓋在穆宗後人書矣余命錄副以來廉臣見祥芝分毫摹似倉猝不得就慨然歸我近人獲蜀石經殘拓寶過宋槧矧此千歲祕笈絕無副侈

藏書六

巽

逕須冠海內經籍傳本何僅僅壓皖中名蹟也廉臣名仁法陝西山陽進士又詩云湘鄉相公治經如治兵號令罷茶齟齬皆靖嶮莫府軍閒結習在刊徐左許時鏗鏗謂余此卷雖晚出試數四部官私誰第一元鈔宋刻總奴隸爲子性命耽書報良直曾文正公題詞插架森森多於笥世上何曾見唐本莫君所得殊瑰奇傳寫云自元和時問君此卷有何珍流傳顯晦經幾人君言是物少微識殘牋黯黯不能神豪家但知貴錦裘陋巷誰復憐碁中黟縣令君持贈我始吐光怪干星辰許書劣存二百字古鏡一掃千年塵篆文已與流俗殊解說尤令耳目新乾嘉老儒耽蒼睢東南巖段并絕倫就中一字百搜討詰難蠶起何

斷斷暗與此本相符契古轍正合今時輪乃知二徐尙幽
莽詒誤幾輩徒因循我聞此言神一快有如枯柳措馬疥
我昔趨朝庶陪尹頗究六書醫頑蠢四海干戈驅迫忙十
年髀肉銷磨盡卻思南閣老祭酒舊學於我復何有安得
普天淨櫓槍歸去閉戶注凡將 昌熾案莫君所著宋元
舊本書經眼錄三卷增錄二卷其家已刊行子繩孫跋云
同治乙丑迄己巳先君客游所見或解題或攷其槧鈔善
劣或僅記每葉行字數目或竝錄其序跋及藏家跋語印
記皆經眼時隨筆志之以備循覽繩孫謹次爲三卷更集
他書衣及碑帖題語爲二卷增焉我家影山草堂僻在黔
南舊藏粗備尤多先人手澤亂後散佚略盡不可復得今

藏書六

五

卷中廝存一二先君少時所校也念之泫然同治癸酉七
月丁未朔第二男繩孫謹志於江甯旅舍

山外風煙蟬蚓鳴山中金壁光瑩瑩百楹樓屋容登未好趁
洞庭湖水平 劉康春禧 袁芳瑛漱六

何紹基東洲草堂集閱甯鄉劉春禧康紅豆山房藏書目
喜而有贈藏書不解讀如兒嬉戲得珠玉讀書不能藏如
千里行無糗糧劉侯生自湖湘秀要與俗儒飾寒陋善本
瑩瑩金壁光古人堂堂天地壽深山樓屋可百楹新篇蠹
冊皆有情山中日月聖賢宇山外風煙蟬蚓鳴賤子藏書
無最目讀書貪多不貪熟正流歧港各有會要與壑源同
一族示君此語然未然何時鉛槧相周旋期君來躡蓬山

路共校金繩冊府篇昌熾案湘中袁漱六芳瑛乙巳進士
官松江知府其臥雪樓藏書極富黃再同前輩曾見其書
目四大冊漢書宋元刊本多至十許部餘可知矣李木齋
同年隨父中丞公宦湖南得其書最多

未聞脈望餐煙火豈有爰居饗鼓鐘君本清才難作吏可憐

橫死到黃龔

劉履芬彥清

高心夔代理江蘇嘉定知縣劉君墓志銘君諱履芬字彥
清生於雲間故號泖生以同知直隸州充蘇州書局提調
光緒五年江南鄉試嘉定知縣程其珏調分校君往代受
事之日民先有逼嫁致死督部檄一幹下縣決殺者君已
不憚此幹笑侮之因迹求民間數事密聞諸臺勾捕盡得

藏書六

至

君慈恕不忍文致親送囚行省且陳其疑此幹請必盡殺
迺止君痛悔失圖茹憎危遽不自勝反嘉定疾作滿有日
矣或詐告殺人需詣驗君神明已傷仰天言吾德薄災殃
及民不如死也其日不食夜分不寢遲明從者叩肩無聲
翹而入僵於地喉骨斷裂血污被膺右手短剪握固未脫
几燭將跋洗冤錄展宛然事上撫部固始吳公重君所
以死也厚卹之 又劉彥清莎廳課經圖冊書首吾之君
所恆見以面覆書書上下五色相刺字緝句緝充篋溢架
耳目所際身所周旋皆書寒暑晦明殆不徵其氣候與游
八九年樂未有以徙也 葉裕仁劉泖生莎廳課經第二
圖後序江山劉泖生刺史性嗜書遇善本必傾囊購之其

不能得者手自鈔錄日課數十紙終日伏案矻矻未嘗見其釋卷以嬉也昌熾案湖生先生與余爲忘年交其子名毓盤先生歿時甫襁褓今已爲學官弟子且能讀父書矣顧先生廉吏家貧甚其書已不能守頃聞吳中有持元刻郭茂先樂府陸敕先校本求售此先生秘笈余所素知者也此書出先生之書盡出矣

雷塘弟子追成錄雪苑賓僚憶賦詩猶是羽陵親到處不堪

東閣再窺時

座主潘文勤公諱祖蔭子再同編修國墜

黃子壽師諱彭年

潘文勤師圖書金石之富甲於吳下其藏書印曰八求精舍曰龍威洞天曰分塵百宋迨架千元癸未奉諱歸吳延昌熾館於滂喜齋盡窺帳秘宋刻金石錄十卷卽敏求記

藏書六

至

所稱馮研祥家本宋刻白氏文集殘本後村先生集殘本葛歸愚集淮海居士長短句皆士禮舊藏北宋本廣韻則

澤存張氏所乘祖本也其他高編大冊斷壁零縑皆世間

東希有之秘每觀一書輒爲解題成滂喜齋讀書記二卷賞

析之樂宛如昨日客冬十月遽遭龍蛇之厄越月而又聞

貴筑黃子壽師歿於鄂渚師開藩吾吳獎掖寒峻惟恐不

及昌熾受知最深戊子之冬公子再同編修相約至京館

於其邸得盡見所藏書再同孤介違俗顧獨與余有水乳

之契病肺誤服溫劑致失音驟聞大變一慟幾絕正月南

旋朋輩往送別皆憂其不起乃未幾而訃至矣余此稟再

同曾錄副而文勤師欲爲付梓不意數月之間師友淪喪

泚筆賦此不勝梁木之感云辛卯二月晦日

標識分明卷帙精鞠花涼雨盪簾旌纍纍天籟珍藏印又見
敵翁與石箏

楊繼振幼雲

崇恩語鈔

鮑康爲繼幼雲跋幣拓册子春宇同年之弟幼雲與余有
同癖壬申解組旋都下聞幼雲收藏益富又爲幼雲跋
陳氏十鐘拓册煙雨初過盆菊已花披讀數過不覺紅日
之西墜塵海中獨余與幼雲最閒儻從往來必以墨拓相
示未始非清福之一端也又獻束繼幼雲詩從來同癖
氣相求拓本紛傳等置郵涼雨一簾花滿屋翩然塵海兩
閒鷗昌熾案春宇先生諱宜振漢軍鑲黃旗人道光乙
巳恩科進士工部侍郎同治乙丑視學江蘇昌熾以童

藏書六

五

子受知幼雲先生不獨藏泉最富金石圖書亦皆充切近
漸散佚昌熾得其奇零小種藏印纍纍每册有楊字圓印
石筍館猗歟又雲印卷首有長方巨印其文曰予席先世
之澤有田可耕有書可讀自少及長嗜之彌篤積歲所得
益以青箱舊蓄插架充棟無慮數十萬卷暇日靜念差足
自豪顧書難聚而易散卽偶聚於所好越一二傳其不散佚
殆盡者亦鮮矣昔趙文敏有云聚書藏書良非易事善觀
書者澄神端慮淨几焚香勿卷腦勿折角勿以爪侵字勿
以唾揭幅勿以作枕勿以夾刺子謂吳興數語愛惜臻至
可云篤矣而未能推而計之於其終請更衍曰勿以鬻錢
勿以借人勿以貽不肖子孫星鳳堂主人楊繼振手識并

以告後之得是書而能愛而守之者又題後云予藏書數十萬卷率皆卷帙精整標識分明未敢輕事丹黃造劫楮素至簡首卷尾鈐朱墨墨則獨至之癖不減墨林竊用自喜究之於書不爲無補又案宗室語鈴方伯崇恩亦富收藏身後爲琉璃廠肆雅堂捆載而去裝潢精整觸手如新余近得其所藏劉燕庭金石苑卷首一印曰語鈴所藏初印精本得者寶之庶傳久遠其餘藏印曰玉牒崇恩曰繡漪精舍曰繡漪老漁曰壺青閣曰澹園曰敬翁曰澗邨聽鼓秋風卧白門舊游無復海王村同時一個君先弱珍重錢唐宋板孫

朱徵子清

咸豐庚申英人焚 澹園京師戒嚴持朱提一笏至廠肆

藏書六

番

卽可載書兼兩仁和朱修伯先生得之最多長子徵字子清次子潛字子安先後以道員需次江甯子清亦好聚書家藏既富又裒益之精本亦物著結一廬書曰庚寅子清病歿遺書八十櫃聞盡歸張幼樵副憲幼公朱氏壻也孫銓伯貳尹名鳳鈞與子清同鄉藏單行本魏志撫州本公羊皆世間絕無之本簿錄之學一時無比人呼爲宋板孫云

蓬萊道山皆荒渺芳菜疏雨亦寥寥守先高閣茗溪畔紉纈

卿雲覆絳霄

陸心源剛父

李宗蓮韶宋樓藏書志序余少識潛園先生於鄉校先生博聞綴學偶見異書傾囊必購備兵南韶丁封翁艱歸裝

有書百積迺復近鈔遠訪維日孳孳林居六年有何假南
面之樂 詔書再起權總閫巖被構罷歸誓墓不出而
求書之志益勤殆蘇長公所謂薄富貴而厚于書者耶十
餘年來凡得書十五萬卷而坊刻不與焉其宋元刊及名
人手鈔手校者儲之甬宋樓中若守先閣則皆明以後刊
及尋常鈔帙案 四庫書目編序而以近人著述之善者
附益之念自來藏書未能垂遠今春奏記太府以守先閣
所儲歸之於公而以甬宋寶藏舊刻精鈔爲世所罕見者
輯其源委仿貴與馬氏竹垞朱氏月霄張氏例成藏書志
一百二十卷自古言藏書者鄉嬛石室蓬萊道山皆荒渺
無足徵信若吾鄉富于典籍者梁沈約聚書二萬卷見于

藏書六

五

卷之六

本傳宋元之際月河莫氏齊齋倪氏寓公若資中三李陵
陽牟氏皆不下數萬卷周草窗三世積累有書四萬卷癸
辛雜識稱石林葉氏有十萬卷然考少蘊避暑錄話亦祇
謂家舊藏書三萬餘卷而已惟直齋陳氏書錄解題之作
可考見者五萬一千餘卷明代白華樓茅氏其卷數不可
考然九學十部之編以制藝爲一部則其取盈緗帙者亦
僅矣近乾嘉閒石塚嚴氏芳荂堂南潯劉氏疏雨山房皆
以藏書名余嘗見二家書目著錄寥寥豈足與先生比長
絜短哉歸震川先生云書之所聚當有如金寶之氣卿雲
輪囷覆護其上余與先生衡宇相望長空糾縵庶幾旦暮
遇之 昌熾案存齋儀顧堂題跋言明人書帕本刻書而

書亡又糾汪刻衢氏讀書記之謬謂不如不刻善矣然其所刊叢書亥豕縱橫不可殫述几塵風葉未可輕下唯黃也公子純敏中翰嘗爲余言守先閣藏明人集至多吾吳先哲如都南濠楊君謙皇甫司勳之類無所不有登閣傳鈔俟諸異日謹書於此以當息壤

吳兒織齋好治生不狂迺竟得狂名我來長嘯書鈔閣下有
蝸蟾聚沸羹

蔣鳳藻香生

同邑蔣香生太守鳳藻家世貨殖納貲爲郎嗣以知府分發福建補福甯府爲陳伯潛學士所論奏開缺送部引見遂不出君雖起自素封未嘗學問而雅好觚翰嗜書成癖在閩納交周季貺司馬盡傳其目錄之學又與仁和魏稼

藏書六

五

孫錫曾談金石甚契頗得其緒餘閩垣未經兵燹前明徐興公謝在杭及近時帶經堂陳氏遺書流落人間者君畱心搜訪多歸插架季貺絳誤遣成君貲以三千金季貺盡以所藏精本歸之遂蔚成大國舊鈔本北堂書鈔孫淵如嚴鐵橋兩先生所手校君築書鈔閣貯之以余粗涉校勘屬刊鐵花館仿宋本六種及心矩齋叢書一字異同郵筒商榷至於再三不可謂非精於鑒別者矣吾吳自咸同以來壇坫闐如一二達官之好古者皆在朝居鄉士大夫無能提倡而猗頓之徒奉錢神爲職志三君八顧諟爲至愚百宋千元駭若河漢君少通倪不矜細節尤爲里中兒所賤簡聞君收藏書籍譁然相告引爲破家殷鑒及君歿而

市駿者懸巨金以求發篋則又動色嗟訝嗟乎自蕘圃香
岩距今不過百年何以風流歇寂月且舛滄望影吠聲羣
自居於原伯魯亦書林之一厄也余幼長里閨寄食東陵
習聞治生之說雖好書而不能不斷斷論價精鈔祕槧交
臂失之每一回思如象罔之珠不可再得入識田中畱一
苞稂種子蓋剗除三十年而未能盡也嗟何及矣

清淚淒然滴玉蝓非熊說夢竟何如傷心獨拜他鄉臘更啟
殘書祭歲除

泰山趙氏

宛陵太守

沈率祖

天祿琳瑯說文五音韻譜有閩南開府所得之書泰山趙
氏藏書之印 又明刻陳書有沈率祖奉守遺書之印

又明刻周書有宛陵太守書籍六男翰臣珍藏一印下六

藏書六

五七

字分行小注

昌熾案兩家子弟保守遺書可敬可愛爲

人後者若以兩賢之心爲心晉江父子不得專美於前雖
名氏僅存不可不表而出之袁宗不幸冢嗣傾亡伏臘他
鄉子然顧影平生網羅散失雖不逮藏家之什一要於古
人不爲無補已矣今且爲若敖之鬼矣楹書付託悵望何
年做帚自珍此心靡懈亦聊賢於博奕而已丁酉上元後
四日記

天策文章花葉詩一笠一笠鎮相隨非無三乘旁行字胡跪

問師師不知

釋文瑩道溫

文瑩玉壺清話序玉壺隱居之潭也文瑩收古今文章著
述最多自國初至熙甯間得文集二百餘家 又文瑩至

長沙首訪故國馬氏天策府諸學士所著文章擅其名者
惟徐東野李宏皋東野詩浮脆輕豔侑一時尊俎爾宏皋
雜文十卷皆駢枝章句雖齷齪者亦能道信乎行文之難
也 又續湘山野錄王平甫安國奉詔定蜀民楚民秦民
三家所獻書可入三館者令令史李希顏料理之其書多
剝脫而得一敝紙所書花藥夫人詩乃花藥手寫而其詞
甚奇棄之可惜遂令令史郭祥繕寫入三館禹玉相公傳
其本於是盛行於時文瑩親於平甫處得副本凡三十二
章 鮑廷博玉壺清話跋宋僧文瑩字道溫錢唐人工詩
喜藏書尤畱心當世之務

前弁諸果後弁獵不佞不若類從其送書道士形如繪相鶴

藏書六

何如竟相龜

陸元

無爲道士

其書散士

其書散士

避暑錄話程光祿師孟吳下人喜爲詩效白樂天而尤簡
直至老不改吳語元豐間道士陳景元博識多聞藏書數
萬卷士大夫樂從之游身短小而偃師孟嘗從求相鶴經
得之甚喜作詩親攜往謝末云收得一般瀟洒物龜形人
送鶴書來徐舉首自操吳音吟詠之諸弟子在旁皆忍笑
不能禁時王侍郎仲至在坐顧景元不覺失聲幾仆地
東觀餘論跋陳碧虛所書相鶴經後云隋善書者丁道護
道媚有法今觀碧虛子陳君小楷殊得道護筆勢 通志
校讐略臣嘗見鄉人方氏望壺樓書籍頗多其家云先人
守無爲軍日就一道士傳之尙不能盡其書也如唐人文

集無不備

這箇幾時近飯喫那箇幾時近飯喫想見閨房交訕時敗飯生塵爨煙絕

換書士人

道山清話張文潛嘗言近時印書盛行而鬻書者往往皆士人躬自負擔有一士人盡措其家所有約百餘千買書將以入京至中途遇一士人取書目閱之愛其書而貧不能得家有數古銅器將以貨之而鬻書者雅有好古器之癖一見喜甚乃曰毋庸貨也我將與汝估其直而兩易之於是盡以隨行之書換數十銅器亟返其妻方迓夫之回疾視其行李但見二三布囊磊塊然鏗鏗有聲問得其實乃詈其夫曰你換得他這箇幾時近得飯喫其人曰他換

藏書六

堯

得我那箇也則幾時近得飯喫因言人之惑也如此座皆絕倒

打包僧似野雲孤善本煩師寄澈湖蟬藻鴈鎧相映碧別鐙

圖後贈書圖

程洪溥木庵

錢泰吉跋衛氏禮記集說癸卯徽州程木庵洪溥以通志堂經解寄贈余有詩紀事并繪贈書圖以報木庵之贈以余曝書雜記有未得衛氏禮記集說語既得集說竟未循覽木庵爲傷惠矣勉讀一過冀無負木庵耳 又可讀書齋集徽州程君木庵洪溥博物好古延海昌六舟上人達受爲拓所藏鐘鼎彝器款識六舟贈以蔣氏別下齋叢書木庵見余曝書雜記深相契合讀至第二卷知余未有通

志堂經解因以儲藏副本屬六舟弟子虛山攜贈訂交賦
誌二律九經一百四十部唐宋元明眾說殫近愧專家忘
舊業遠煩善本寄新安交論異地勞相賞吝詫竒緣索其
觀一藝未通嗟已老短書敢詡合叢殘平生恨未識陳元
聞道山居述作繁絕品銘心勤譜錄奇辭奧指溯根源漫
誇博士書驢券難共高人隱鹿門韻事流傳到儒釋遺經
善守勛兒孫 又題程木庵小像何時短棹訪衡茅來與
山僧共打包又云昨寄贈書圖一卷黃山深處伴幽居自
注木庵贈予通志堂經解予屬海昌道士汪鶴憩雲寫贈
書圖卷前畫木庵六舟及予小像同人多爲題詠昨歲以
寄木庵 蔣光煦東湖叢記余幼時舅父馬兩如公鈺賜

藏書六

卒

以全唐文嗣從同邑吳鱸鄉茂才假拜經樓藏本以資校
勘而徽州程木庵翰目洪溥因六舟上人貽以式古堂書
畫彙攷尤難得也 何紹基竟甯銅雁足鐙詩序六舟上
人爲程木庵拓輯彝器文字中有此鐙相傳爲建安鐙也
六舟鍼剔璽印字畫朗朗深自矜喜屬陳月波作剔鐙圖
縮已像於盤底之間作握鍼剔劍之狀 又題程木庵所
藏彝器拓本家學未荒蟬藻碧古光先證雁鐙紅
做帚千金久自珍明珠脫手尙逡巡勸君不用波斯襲此去

豪家盡柳津

沈時公

厲鶻樊榭山房詩集鸞書和沈時公收處心常損拈來淚
欲垂誰憐非長物竟遣易晨炊宿讀人難得長貧我自知

祇愁肉食者還有鬼名嗤自注南史人勸柳津聚書答曰
吾嘗請道士上章驅鬼安用此鬼名耶 彭兆孫小謨觴
館集賣書行十家士人九不給貧極捨書成俗習萊蕪室
內鳴飢腸故紙堆中摻秘笈當年甲乙重標題萬卷遙知
費編輯芸葉曾防羽陵蠹錦贖或用波斯襲浮雲世事不
可久御爲兒孫覓升斗遺業曾無八百桑舊家自有千金
帚傾筐倒篋驅鱣魚載以兼兩薄畚車易錢難比瑤華乘
書卷分明博士驢富兒有書不解讀貧兒欲讀無其福餅
金輦致玩好同插架牙籤手誰觸白氏楊枝臨去吟教坊
後主新降曲明珠脫手各傷心同向豪家成一哭東鄰西
舍何紛紛此厄不啻江陵焚平生我亦書是癖搜羅八索

藏書六

空

窮三墳飢來貸盡監河米獨抱遺經不求濟請讀難親中
祕書癡懷尙羨何間邸年年乞食非良圖此事甯保他年
無徑須急辦五畝區去作識字耕田夫倉箱謀卒歲秬稻
收東吳穰穰但祝年屢豐雖貧不賣杵與春人間長策無
如農農夫一笑稱未善君不見鉏犁昨爲輸租典

誰描蛺蝶繡鴛鴦紙尾題詩欲斷腸白是簪花書格妙新篇

一一和琳琅

陳坤維

厲鶚樊榭山房集桑叟甫水部買得元人百家詩後有小
牋黏陳氏坤維詩蓋故家才婦以貧鬻書者惜不知其里
居顛末爾讀之有感次韵一首并徵好事者和焉姓字深
閨豈易知偶傳紙尾賣書詩難追寫韻仙家事應共牽蘿

絕代悲形管更添高士傳墨卿別注有情癡迴腸似其鎌
湘往惆悵令人展卷時附陳氏坤維原作典及琴書事可
知又從案上檢元詩先人手澤飄零盡世族生涯落魄悲
此去雞林求易得他年鄴架借應癡亦如長別無由見珍
重塞闈伴我時丁巳又九月九日厨下乏米手檢元人百
家詩付賣以供瓊粥之費手不忍釋因賦一律賸之陳氏
坤維題 汪遠孫次閨秀陳坤維手題元人百家詩韻詩
在方雲泉隲處寂寞闈心一卷知臨池親寫賸書詩窗前
風雨牽蘿恨貧裏光陰輟筆悲破甑生塵空性巧殘編惜
別最情癡百年遺墨流傳在幾度重陽遇閨時 兩浙輶
軒錄謝垣買得漢隸分韻舊本中夾繡鍼綵線花樣諸物

藏書六

空

章程墨妙慕無雙狐腋千金集眾長染練已憐描蛺蝶懸
鍼猶記繡鴛鴦蔡邕遺法能傳女衛鐸浮名空蔽王欲使
簪花臨筆陣青牛文帳護琳瑯

範銅制出膠泥上屈鐵縈絲字字分一日流傳千百本何人

不頌會通君

畢昇

華燧文輝

華珪

華堅

夢溪筆談慶歷中有布衣畢昇爲活板其法用膠泥刻字
薄如錢脣每字爲一印火燒令堅先設一鐵板其上以松
脂蠟和紙灰之類冒之欲印則以一鐵範置鐵板上乃密
布字印滿鐵範爲一板持就火湯之藥稍鎔則以一平板
按其面則字平如砥若止印二三本未爲簡易若印數十
百千本則極爲神速 邵文莊會通君傳會通君姓華氏

諱燧字文輝無錫人少於經史多涉獵中歲好校閱同異輒爲辨証手錄成帙遇老儒先生卽持以質焉旣而爲銅字板以繼之曰吾能會而通之矣乃名其所曰會通館人遂以會通稱或丈之或君之或伯仲之皆曰會通云君有田若干頃稱本富後以劬書故家少落而君漠如也三子塤奎壁 嚴元照書容齋隨筆活字本後此翻宋紹定間所刻每番中縫上方有宏治歲在旃蒙單闕八字下有會通館活字銅板印八字書後有華燧序 天祿琳瑯白氏長慶集每卷末有錫山蘭雪堂華堅活字桐板印記 無錫縣志華理字汝德以貢授大官署丞善鑿別古奇器法書名畫築尙古齋實諸玩好其中又多聚書所製活板甚

藏書六

奎

聖人

詔下紫泥緘海岳遺聞訪翠巖唐宋元明朝市改一家世業

守雕劒

建安余氏

九經三傳沿革例九經世所傳本以興國于氏建安余氏爲最善逮詳考之余本間不免誤舛不足以言善也 天祿琳瑯續編儀禮圖是本序後刻崇化余志安刊於勤有堂按宋板列女傳載建安余氏靖安刻於勤有堂乃南北朝余祖煥始居閩中十四世徙建安書林習其業二十五

世余文興以舊有勤有堂之名號勤有居士蓋建安自唐
爲書肆所萃余氏世業之仁仲最著岳珂所稱建安余氏
本也。又禮記每卷有余氏刊于萬卷堂或余仁仲刊於
家塾。續東華錄乾隆四十年正月丙寅。一查諭軍機
大臣等近日閱米芾墨蹟其紙幅有勤有二字印記未能
悉其來歷及閱內府所藏舊版千家注杜詩向稱爲宋槧
者卷後有皇慶壬子余氏刊於勤有堂數字皇慶爲元仁
宗年號則其板似元非宋繼閱宋板古列女傳書末亦有
建安余氏靖安刊於勤有堂字樣則宋時已有此堂因考
之宋岳珂相臺家塾論書板之精者稱建安余仁仲雖未
刊有堂名可見閩中余板在南宋久已著名但未知北宋

藏書六

李

時卽行勤有名堂否又他書所載明季余氏建板猶盛行
是其世業流傳甚久近日是否相沿並其家刊書始自北
宋何年及勤有堂名所自詢之閩人之官於朝者罕知其
詳若在本處查考尙非難事着傳諭鍾音於建甯府所屬
訪查余氏子孫見在是否尙習刊書之業並建安余氏自
宋以來刊印書板源流及勤有堂昉於何代何年今尙存
否或遺蹟已無可攷僅存其名並其家在宋時曾否造紙
有無印記之處或考之志乘或徵之傳聞逐一查明遇便
覆奏此係攷訂文墨舊聞無關政治鍾音宜選派誠妥之
員善爲詢訪不得稍涉張皇尤不得令胥役等借端滋擾
將此隨該督奏摺之便諭令知之尋據奏余氏後人余廷

勸等呈出族譜載其先世自北宋建陽縣之書林卽以刊書爲業彼時外省板少余氏獨於他處購選紙料印記勤有二字紙板俱佳是以建安書籍盛行至勤有堂名相沿已久宋理宗時有余文興號勤有居士亦係襲舊有堂名爲號今余姓見行紹慶堂書集據稱卽勤有堂故址其年代已不可攷昌熾案四庫著錄林之奇尙書詳解黃倫尙書精義亦皆建安余氏刊其他見於各家書目者不知凡幾翠巖精舍所刊本有玉篇元文類陸宣公奏議注

臨安鬻書陳道人芸香累集續芸類其他鞞鼓橋頭宅亦與江錮共姓陳

陳起宗之

陳思

陳世隆彥高

方回瀛奎律髓陳起睦親坊開書肆自稱陳道人字宗之

藏書六

全

能詩凡江湖詩人皆與之善嘗刊江湖集以售宗之詩有云秋雨梧桐皇子府春風楊柳相公橋哀濟邸而誚彌遠也或嫁其語於赦器之言者論列騁江湖集版宗之坐流配戴表元題孫過庭書譜後杭州陳道人家印書書之疑處率以己意改令諧順殆是書之一厄陳伯玉寶刻叢編序都人陳思儻書於都市士之好古博雅蒐遺獵忘以足其所藏與夫故家之淪墜不振出其所藏以求售者往往交於其肆且售且償久之所閱滋多望之輒能別其真贗楊復吉夢闌瑣筆陳思彙刻羣賢小集自洪邁以下六十四家流傳甚罕鮑以文詩云大街棚北睦親坊歷歷刊行字一行喜與太邱同里閨芸編重擬續芸香注云

陳解元詩名芸香彙子名續芸 楹書隅錄錢心壺先生
跋所藏棠湖詩彙云卷末稱臨安府柵北大街陳氏印行
者卽書坊陳起解元也賈斯棟稗販以南宋名賢遺集刊
於臨安府柵北大街者爲陳思而謂陳起自居睦親坊然
予所見名賢諸集亦有稱柵北大街睦親坊陳解元書籍
鋪印行者是不爲二地且起之字芸居思之字續芸又疑
思爲起之後人也予按羣賢小集石門顧君修己據宋本
校刊亦疑思爲起之子思又著有寶刻叢編尤爲淵博益
南宋時臨安書肆有力者往往喜文章好撰述而江錮陳
氏其最著者也 錢大昕菴圖搜奇跋元末錢唐陳世隆
彥高天台徐一夔大章避兵構李相善彥高篋中攜祕書

藏書六

六

數十種檢有副本悉以贈大章大章彙而編之世無刊本
日 苜宋樓藏書志宋詩拾遺二十三卷舊鈔本元錢唐陳
世隆彥高選輯按世隆書賈陳思之從孫 天祿琳琅容
齋隋筆目錄後記臨安府鞞鼓橋南河西岸陳宅書籍鋪
印考杭州府志鞞鼓橋在城內西北隅當時臨安書肆陳
氏多著名 昌熾按陳思所撰尙有書苑菁華十二卷海
棠譜二卷今皆存

三輔黃圖五色描別風枌詣望瞧曉尹家鋪子中和宅並詩

南朝與北朝 尹家書籍鋪 平水書籍王文郁

志雅堂雜鈔先子向寓杭收異書太廟前尹氏嘗以采畫
三輔黃圖一部求售每一宮殿各繪畫成圖甚精妙爲衛

人柴氏所得 讀書敏求記茅亭客話十卷元祐癸酉西
平清真子石京募工鏤版此則尹家書籍鋪刊行本也

士禮居題跋記續幽怪錄四卷臨安府太廟前尹家書籍
鋪刊行本也茅亭客話遵王記之而此書絕未有著於錄
者可云奇秘矣 許古新刊韻畧序平水書籍王文郁見
禮部韻嚴且簡私韻又無善本精加校讎少添注語僕嘗
披覽賢於舊本遠矣 錢大昕跋平水新刊韻畧黃堯圃
孝廉得平水新刊韻略元槧本前載正大六年河間許古
道真序卷末有墨圖記二行其文云大德丙子重刊新本
平水中和軒王宅印或卽文郁之後 昌熾案道真序後
署書於嵩郡隱者之中和軒則王宅卽爲文郁之後無可

藏書六

七

疑者自正大六年己丑至大德丙午已七十餘年書林世
業亦北方之余氏矣

一舟打頭小於葉帆檣下幸書三篋千載龍邱有兩賢前萇

後珮聲相接

童珮子鳴

童珮子鳴

王世貞童子鳴傳童子鳴名珮世爲龍游人父曰彥清子

鳴少依父游詩有清韻尤善攷證諸書畫名跡古碑彝敦

之屬兄珮舉於邑爲諸生子鳴歸必就兄書舍買升酒相

勞苦高淳韓邦憲出守衢行部過其家龍邱山塢中索所

輯唐故邑令楊炯邑人徐安貞集殿梓行之遂下教邑綱

紀南州杜門文學首驂北海爲政康成標里龍邱逸民之

藪前萇後珮千載兩賢萇猶託跡功曹一試綦組而童君

畢志雲蘿聲迹俱挫可謂矜然不滓瞻之在前矣其樹榦
左間以風在野子鳴卒年僅五十四有藏書萬卷皆其手
所雘校 列朝詩傳童書賈珮字子鳴一字少瑜從其父
以鬻書爲業往來吳越間買一舫不能直項帆檣下皆貯
書讀之窮日夜不休 王漁洋跋童子鳴集余觀南宋陳
思撰寶刻叢編歎書賈中乃有嗜古雅尙如斯人者龍游
童子鳴亦以賈書有詩名其集吳郡黃河水所定凡六卷
翁年七十瘦如柴日走公卿一刺懷袖有奇書休問訊老韋
高價本難諧 老韋

李文藻琉璃廠書肆記瑞錦堂卽老韋之舊肆本名鑑古
堂八年前書甚多 又云延慶堂劉氏在路北其肆賈卽

藏書六

六

老韋前開鑑古堂近來不能購書於江南矣韋頗曉事而
好持高價查編修瑩李檢討鐸日游其中數年前子房師
紀曉嵐先生買其書亦費數千金書肆中之曉事者惟五
柳之陶文粹之謝及韋也韋湖州人陶謝皆蘇州人 又
云周書昌嘗見吳才老韻補爲他人買去怏怏不快老韋
云邵子湘韻畧已盡采之書昌取視果然又嘗勸書昌讀
魏鶴山古今攷以爲宋人深於經學無過鶴山惜其罕行
於世書昌亦心折其言韋年七十餘矣面瘦如柴竟日奔
走朝紳之門朝紳好書者韋一見諗其好何等書或經濟
或詞章或掌故能各投所好得重值而少減輒不售人亦
多恨之

儋畫者王儋陶顧市印者吳市硯詹同與陶翁居近市不言
龍斷學雜廉 陶正祥庭學 子珠琳蘊輝

孫星衍清故封修職郎兩浙鹽課大使陶君墓誌銘君名
正祥字庭學號瑞庵少貧以儋書爲業聞見日廣能知何
書爲宋元佳本有誰氏刊本板貯何所誰氏本善且備誰
氏本刪除本文若注或舛誤不可從都中鉅公宿學欲購
異書者皆詣君車輒滿戶外會間 四庫全書館安徽提
學朱君筠言於當道屬以搜訪祕書能稱事子珠琳由書
內廷三館供事敘用得兩浙錢清場鹽課大使貶贈君如
其官君在官署逾年教子引退曰汝多疾而素餐不如歸
儋書也君旣家吳門僑寓都下賢士大夫往來輻輳廣求

藏書六

完

故家書籍祕本歷數十年嘗募陳思之爲寶刻叢編也語
余云恨不爲一書記所過目宋元明刊刻經傳諸子各本
卷帙文字異同優劣補書目家未備惜今晚矣與人貿易
書不沾沾計利所得書若值百金者自以千金得之止售
十餘金自得之若十金者售亦取餘其存之久者則多取
餘曰吾求贏餘以餬口耳人之欲利誰不如我我專利而
物滯不行猶爲失利也當是時都門售書畫有王某售舊
資什器有顧某意見悉如君皆盛行於時老子言欲取必
與左邱明言以欲從人其道然也君以嘉慶二年八月二
日卒於都門春秋六十有六子珠琳以子僑居金陵寄至
元金陵志爲潤筆作君墓碣予念世之稱事者少雖書賈

無復如君之知書也爲文且銘曰不知書何足數斗筭人
媿書賈教子歸來似其祖不求甚解能嗜古我銘其墓不
爲諛兼金可卻書可取 錢儀吉跋董用晦楹帖董君元
鏡名用晦字農陽老人其自號漢軍人乾隆未爲戶部員
外郎年幾七十矣貌黑瘠目近視而篤嗜書終歲尋誦累
置數百冊几榻閒卷悉黯敝同時方茶山孫淵如兩先生
與用晦游有市書者陶市印吳市規簷雖賈皆長者皆七
八十歲淵翁爲之作三老傳者也用晦往往在此三人舍
中談笑閱視日暮忘返 李文藻琉璃廠書肆記五柳居
陶氏在路北近來始開而舊書甚多與文粹堂皆每年購
書於蘇州載船而來五柳多瑣川吳氏藏書卽吳企晉舍

藏書六

七

人家物也 昌熾案珠琳字蘊輝黃蕘翁稱其熟讀讀書
敏求記爲蕘翁購宋本王右丞集卽所謂山中一半兩本
元刻許丁卯集卽所謂較宋板多詩幾大半本蕘翁得書
多與商榷

不須刮目用金篋

根腳題籤望不迷

此調書林今絕響空煩

重訪白公隄

錢聽默

登慈澤齋同觀式茶山齋賦兩犬主

嚴元照書春秋經傳集解宋刻殘本後宋刻左傳四卷萃
古齋主人錢景開所貽景開名時霽湖之書估也寓於蘇
州能詩善鑒別宋元版刻并法帖書畫以此書貽我界以
錢不受亦稱有雅尚者 士禮居藏書題跋記白隄錢聽
默開萃古齋素稱識古所見書多異本 又續錄白隄錢

聽默書友中巨擘也其遺聞逸事有關於書籍者所得最多嘗謂余曰絳雲未火之先有白鬚老人自稱放翁示夢於汲古閣毛氏謂我有集在絳雲樓曷假之既寤異其夢遂向假歸越日火發放翁集得免於厄謂又向聞錢聽默言書籍有明刻而可與宋元版埒者惟明初黑口版爲然故藏書家多珍之顧下里題清河書畫舫常熟錢遵王毛子晉父子席玉炤陸敕先馮定遠曹彬侯各家書散出予見之最早最多乾隆年間滋蘭堂主人朱文游三丈白隄老書買錢聽默能視裝訂籤題根腳上字便曉屬某家某人之物又笠澤叢書跋二十年前老書估錢聽默嘗告余曰聞吳宮詞大姑蘇兮小長洲善本大作火小作沼

藏書六

三

天祿琳琅盤洲集毛抄本有白隄錢聽默經眼六印
蠶絲牛毛善離合得錢卽買酒盈缸書根雙腕能齊下嘉語
眞堪繼湧幢胡質 虞山孫二 錢半牋 士字對題

湧幢小品荆川先生胡質棺記書傭胡質龍游人父兄故書買質少乏資不能賈而以善錐書往來諸書肆及士人家余不自揆嘗取左氏歷代諸史及諸大家文字稍刪次之以從簡約旣披閱點竄竟則以付質使裁焉始或篇而離之或句而離之甚者或字而離之其旣也篇而聯之句而聯之又字而聯之或聯而後離離而後聯錯綜經緯要于各歸其類而止蓋其事甚淆且碎非特他書傭往往束手雖士人細心讀書者亦多不能爲此質於文義不甚解

曉而獨能爲此蓋其天竅使然余之於書不能及古人牛
毛繭絲之萬一而買所爲則蠶絲牛毛之事也買平生無
他嗜而獨好酒傭書所得錢皆盡於酒所傭書家不問傭
錢必問酒能厭否買無妻與子傭書數十年居身無一壠
之瓦一醉之外皆不復知也買無一錢之蓄死而有棺無
棺不可知念其爲我從事久也以一棺畀之而書此以爲
之券云 藏書紀要虞山孫姓行二者爲書根最精一手
持書一手寫小楷極工今罕有能者 士禮居藏書題跋
記續錄近事會元五卷裝池出良工錢半巖手近日已作
古人惜哉其子雖亦世其業而其裝池卻未之見不知能
傳父之手段否甲戌閏春復翁偶記

藏書六

圭

黎邱苗裔徧天下贊耶駟儉亦人妖巧偷豪奪變魑技徧有
蒼頭弄此獠 王延瑤越石黃正賓黃昭略未忘良不厭

韻石齋筆談定窯鼎宋器之最精者成宏間藏於吾邑河
莊孫氏曲水山房嘉靖間爲京日靳尙寶伯齡所得毘陵
唐太常凝庵負博雅名從靳購之遂歸于唐萬曆末淮安
杜九如納千金攜鼎以去九如歿傳子生之有王廷珪者
字越石慣居奇貨以博刀錐闕杜生游平康以八百金供
纏頭費逆料其無以償且示意不欲酬金而欲得爐也爐
竟歸之詭稱其值萬金求售於徐六岳徐惡其譎拒不納
乃質於人十餘年間旋質旋贖紛如舉棋又求其族屬之
相肖者方圓數種並置篋中多方壟斷泰與季因是企慕

唐爐廷瑀以一方者誑之售直五百金毘陵趙再思舊游於唐稔知此鼎偶過季季問唐嘉定窳方鼎君曾見否趙大笑曰唐之定鼎體圓而足三公云方鼎何居季廢然曰此獠欺我南科屈靜源吾中州所取士今致書靜源道其事當爲我處之屈君屬有司追理廷瑀抱頭鼠竄挽人講解僅免狴犴焉而黃黃石之事起黃石名正實以貲郎建言廷杖憑藉聲氣游於搢紳頗蓄鼎彝書畫與廷瑀同籍徽州稱中表有倪雲林山水一幅估價百二十金托廷瑀轉售仍暗記花押於隱處廷瑀心艷倪畫屬高手臨撫待正實取時卽以摹本還之殊不知有默記也正實遣蒼頭王佛元取畫裝池宛然惟失花押佛元黠人也謬云主人

藏書六

書

不惟遣來取畫兼欲觀定爐且議價耳廷瑀方授爐而正實亦至謂廷瑀曰奈何作狡獪技倆廷瑀搏頰發誓正實詰之曰吾有私記今安在正謂讓佛元從旁執鼎兼以左右指樞鼎耳示無還理廷瑀奪之鼎墮地如裂瓦廷瑀恨絕頭撞正實傷脇時正實被逐於南都方鬱鬱不樂又遭廷瑀之侮越夕奄逝廷瑀宵趣潛踪於杭時潞藩寓杭遣承奉俞啟雲咨訪廷瑀出贗鼎誇耀把臂甚歡引謁潞藩酬以二千金承奉私得四百金以千六百金畀廷瑀潞藩之主藏吏命一厨役司其筦鑰其人頗椎鹵居無何王欲觀鼎厨役啟匣取鼎戛然有聲忽折一足厨役懼投水死大兵入杭潞藩赴北承奉沈廢鼎於錢唐江中許

宗彥題韻石齋筆談鑑賞本韻事末流乃取閻巧偷與豪
奪利必錙銖較茲編紀鼎事朗若然犀照一生無長物方
知孝伯妙 珊瑚網馬待詔鶴荒山水圖崇禎丁丑王越
石持來余以仇英南極呈祥圖宋版國策一部易之 又
蘇文忠書唐方于時天啟癸亥獲觀王越石物 昌熾案
李邕之三朝野紀汪文言者歎人也因黃正實以交於諸
君子注云正實故中書萬厯中以密揭事疏論申吳門之
阻冊立廷杖下獄又天祿琳琅錢謙益以千二百金得兩
漢書於黃尚寶卷中有黃正實印亦其人也

補遺

溯峽舟輕濫灑堆黃牛灘畔載書同十家何惜中人產一擲

藏書六

躡鴟沃野財

蜀帥紐鄰之孫

少室山房筆叢豫章漫抄云元至正初史官遺屬官馳驛
求書東南異書頗出時有蜀帥紐鄰之孫盡出家資遍游
江南四五年閒得書二十萬卷遡峽歸蜀可謂富矣 又
云隋文父子以天下之力收書僅三十七萬遂冠古今元
邊帥子罄其一家之產驟得二十萬卷亦宇宙奇事然但
欲其多而不計重復則在今甚不難顧正本不知幾何耳
古今書籍統計一代前後之藏往往無過十萬統計一朝
公私之蓄往往不能十萬所謂天之生財止有此數也況
元時板本尙希又非文明之世紐氏子三十萬卷其重
復政恐不能三萬耳

右藏書紀事詩六卷 太夫子葉緣袞先生撰也全書上自五代下至近今旁逮釋道微及坊估凡列載四百有五人附見二百九十五人得詩四百有五首惟生存人不錄焉 太夫子徧覽吳中故家之書又侍從京華博搜載籍積年既久故其書至博且精蓋爲臧書家一大掌故矣夫自漢廷開臧書之府置寫書之官厥後耽古積書者代不乏人中郎萬卷林宗五千其事蹟載在史冊任昉家貧而聚書萬餘率多異本以及晉張華載書三十乘唐鄴侯插架三萬軸是皆不可沒者是書唐以前人概勿採取則以書有墨刻創於唐末益州摹刻六經始於蒲津毋氏也顧自長興刻木以來書出日富書誤日滋宋元明迄

跋

一

國朝儲藏家於是憲言校勘並攷辨目錄板本其學之至精博者至黃佞宋顧思適二家爲最大率終身寢饋書窟沒後散佚僅傳書目或並無書目僅一二遺聞及敘跋印記見引於各書不爲類纂懼傷泯沫 肇隅 狷涉簿錄之學嘗恨古今臧書之人以畢生精力篤守典墳而生無赫赫之名歿有無涯之戚轉不如收藏書畫字帖者尙有題跋之作流傳後世爲骨董家所珍秘今讀是書乃知人人意中欲爲之事不啻爲古人拾骸骨禁樵採矣其功豈尠小也哉原稿自都門寄湘 元猷師刻之書首總目係後編定與書中前後不同大 肇隅 江師屬 爲之讐正詳示手民 肇隅 勉從斯役凡四閱月凡塵風葉仍不能免刻成大太夫子又郵寄二函補改多處

其榮王宗綽數條謹酌補入注蜀帥紐鄰詩並注一條補增
六卷之末惟少室山房筆叢引鄭漁仲曰古文尙書音唐宋
並無今出漳州吳氏陸機正訓隋唐二志無今出荊州田氏
又漳州吳氏書曰算術一家有古書皆四庫三館所無又師
春二卷甘氏星經二卷漢官典儀十卷京房易鈔一卷今世
所傳皆出吳氏云云當補注卷一吳與可權條又筆叢云龍
邱童子鳴家臧書二萬五千卷余嘗得其目頗多秘帙當補
注卷六童珮子鳴條因原注皆無可刪併不能推改姑書於
此以誌 太夫子成書矜慎之意云爾丁酉十月湘潭劉肇
隅謹識于學院廣學海堂

跋

二

其榮王宗綽數條謹酌補入注蜀帥紐鄰詩並注一條補增
六卷之末惟少室山房筆叢引鄭漁仲曰古文尙書音唐宋
並無今出漳州吳氏陸機正訓隋唐二志無今出荊州田氏
又漳州吳氏書曰算術一家有古書皆四庫三館所無又師
春二卷甘氏星經二卷漢官典儀十卷京房易鈔一卷今世
所傳皆出吳氏云云當補注卷一吳與可權條又筆叢云龍
邱童子鳴家臧書二萬五千卷余嘗得其目頗多秘帙當補
注卷六童珮子鳴條因原注皆無可刪併不能推改姑書於
此以誌 太夫子成書矜慎之意云爾丁酉十月湘潭劉肇
隅謹識于學院廣學海堂

